

Tryggingarskilmálar

Tryggingarskilmálar þessir beina orðum sínum til þín sem tryggingartaka okkar og samningsaðila.

A hluti – Bótaþættir

Hér er að finna sérstakar reglur er varða þá þætti sem um samdist okkar í millum. Hér má einkum lesa hvaða bætur við greiðum og í hvaða tilvikum bætur eru skertar eða útilokaðar. Auk þess er lýst sérstökum skyldum og skuldbindingum sem hafa verður í huga. Skyldur og skuldbindingar sem gilda um alla þætti er einnig að finna í B hluta.

Þátturinn Ellilífeyrir - Framtíðarlífeyrir Klassík

E70

1. Forsendur bótagreiðslna og umfang bóta
2. Bætur úr hagnaðarhlutdeild
3. Bótaþegi og millifærsla bóta
4. Útilokanir frá bótum og takmarkanir bóta
5. Samstarfsskyldur þínar
6. Samningsgerðar- og sölukostnaður
7. Undanþága frá greiðslu iðgjalds
8. Uppsögn
9. Möguleikar við samningsgerð

Þátturinn Eftirlífendalífeyrir - Höfuðstóll við

andlát E627

1. Forsendur bótagreiðslna og umfang bóta
2. Ítarlegri reglur um hagnaðarhlutdeild
3. Tengsl þáttarins Höfuðstóll við andlát við Grunnþáttinn
4. Möguleikar við samningsgerð

Þátturinn Eftirlífendalífeyrir - Höfuðstóll við

andlát af slysförum E3

1. Forsendur bótagreiðslna og umfang bóta
2. Ítarlegri reglur um hagnaðarhlutdeild
3. Takmarkanir bóta og útilokanir frá bótum
4. Sérstakar samstarfsskyldur þínar
5. Yfirlýsing vegna bótaskyldu okkar
6. Tengsl þáttarins Höfuðstóll við andlát af slysförum við Grunnþáttinn

7. Undanþága frá greiðslu iðgjalds og uppsögn þáttarins Höfuðstóll við andlát af slysförum

B hluti - Skyldur sem gilda um alla þætti

Hér er að finna þær skyldur og skuldbindingar sem gilda um alla þætti og taka til tilkynningaskyldu fyrir samningsgerð og iðgjaldsgreiðsluskyldu. Frekari skyldur og skuldbindingar er að finna í A hluta. Reglur B hluta gilda um allan samninginn svo framarlega sem gildissvið þeirra er ekki skilmerkilega takmarkað.

1. Tilkynningaskylda fyrir samningsgerð
2. Skyldur sem snerta greiðslu iðgjalds

C hluti - Almennar reglur

Reglur C hluta gilda um allan samninginn svo framarlega sem gildissvið þeirra er ekki skilmerkilega takmarkað.

1. Upphaf tryggingarverndar
2. Tryggingarskírteini
3. Kostnaður vegna aukalegrar umsýslu
4. Þýskur réttur
5. Varnarþing
6. Fyrning

Hugtakaskýringar

Í lok tryggingarskilmála er að finna skilgreiningar helstu hugtaka sem notuð eru í textanum. Í texta fyrsta þáttar eru þessi hugtök auðkennd með „→“. Dæmi: →Tryggingartaki

A hluti – Bótapættir

Hér er að finna sérstakar reglur er varða þá þætti sem um samdist okkar í millum. Hér má einkum lesa hvaða bætur við greiðum og í hvaða tilvikum bætur eru skertar eða útilokaðar. Auk þess er lýst sérstökum skyldum og skuldbindingum sem hafa verður í huga. Skyldur og skuldbindingar sem gilda um alla þætti er einnig að finna í B hluta.

Þátturinn Ellilífeyrir - Framtíðarlífeyrir Klassík E70

Hér er að finna reglur þáttarins Ellilífeyrir.

Ef fleiri þættir eru innifaldir í samningnum þá er í reglum þeirra fjallað um þáttinn Ellilífeyrir sem grunnþátt.

1. Forsendur bótagreiðslna og umfang bóta

Í þessum hluta er fjallað um:

- 1.1 Hvaða bætur greiðum við frá upphafi lífeyristöku?
- 1.2 Hvaða bætur greiðum við við andlát fyrir upphaf lífeyristöku?
- 1.3 Hvaða bætur greiðum við við andlát eftir upphaf lífeyristöku?
- 1.4 Hvaða reikniforsendur gilda um trygginguna?

1.1 Hvaða bætur greiðum við frá upphafi lífeyristöku?

Ef →hinn tryggði er á lífi við umsamið upphaf lífeyristöku greiðum við tryggðan lífeyri meðan hinn tryggði er á lífi. lebt.

Ef samið var um →félagatryggingu og ef allir →hinir tryggðu eru á lífi við umsamið upphaf lífeyristöku greiðum við tryggðan lífeyri á meðan að minnsta kosti einn hinna tryggðu er á lífi.

Allt eftir því hvernig um var samið greiðum við lífeyrinn mánaðarlega, ársfjórðungslega, á hálfis árs fresti eða einu sinni á ári, og alltaf á fyrsta →virka bankadegi eftir umsamda gjalddaga.

1.2 Hvaða bætur greiðum við við andlát fyrir upphaf lífeyristöku?

(1) Bætur í umsaminni Endurgreiðslu iðgjalds-Plús

Ef samið var um Endurgreiðslu iðgjalds-Plús og →hinn tryggði andast fyrir upphaf lífeyristöku greiðum við bætur sem nema upphæð →bótahöfuðstóls þáttarins Ellilífeyrir (án tillits til hlutdeildar í hagnaði og án greiðslna úr fleiri þáttum sem hugsanlega var samið um).

En þó greiðum við að minnsta kosti bætur sem nema greiddum iðgjöldum fyrir þáttinn Ellilífeyrir.

(2) Bætur í umsaminni endurgreiðslu iðgjalds

Ef samið var um endurgreiðslu iðgjalds og →hinn tryggði andast fyrir upphaf lífeyristöku greiðum við bætur sem nema greiddum iðgjöldum fyrir þáttinn Ellilífeyrir.

(3) Hærrí bætur undir vissum kringumstæðum

Ef →hinn tryggði andast innan 3ja mánaða frá fæðingu barns hins tryggða eða frá því að hinn tryggði ættleiðir ófullveðja einstakling, greiðum við höfuðstóll sem nemur 25.000 evrum, óháð bótum samkvæmt 1. og 2. mgr. Ef um fjölbura fæðingar eða ættleiðingar fleiri en eins barns er að ræða greiðum við höfuðstóllinn aðeins einu sinni.

Ef þú tilkynnir okkur skriflega um fæðinguna eða ættleiðinguna innan þriggja mánaða lengist þessi tryggingarvernd við andlát í samtals sex mánuði.

1.3 Hvaða bætur greiðum við við andlát eftir upphaf lífeyristöku?

(1) Bætur við umsamda greiðslu höfuðstóls við andlát án þáttarins Eftirlífendalífeyrir frá upphafi lífeyristöku

Ef →hinn tryggði andast eftir upphaf lífeyristöku og ef

- samið var um greiðslu höfuðstóls við andlát eftir upphaf lífeyristöku og ef
- ekki var samið um neinn þátt Eftirlífendalífeyrir frá upphafi lífeyristöku

greiðum við umsaminn höfuðstól að frádregnum þeim tryggða lífeyri →frá upphafi lífeyristöku sem þegar hefur verið greiddur. Með greiðslu höfuðstólsins fellur tryggingin niður.

(2) Bætur við umsamda greiðslu höfuðstóls við andlát og umsaminn þáttinn Eftirlífendalífeyrir frá upphafi lífeyristöku

Ef sá sem síðast er á lífi (→hinn tryggði eða →hinn meðtryggði) andast og ef

- samið var um útborgun höfuðstóls við andlát eftir upphaf lífeyristöku og
- samið var um þáttinn Eftirlífendalífeyrir frá upphafi lífeyristöku,

þá greiðum við umsaminn höfuðstól, að frádreginni einni útborgaðri tryggðri lífeyrisgreiðslu úr þættinum Ellilífeyrir frá upphafi lífeyristöku, fyrir hvern gjalddaga lífeyrisgreiðslu sem sá hefur lífað sem lengst lifði. Með greiðslu höfuðstólsins fellur tryggingin niður.

1.4 Hvaða reikniforsendur gilda um trygginguna?

(1) Reikniforsendur við samningsgerð

Við gerð samningsins notum við eftirfarandi reikniforsendur við útreikning á tryggðum bótum:

- við útreikning á tryggðum bótum samkvæmt tölul. 1.1, 1.2, 2. mgr., sem og tölulíð 1.3 í dánartíðnitöflu fyrirtækisins „AZ 2012 R U“ (→töflur) og →reiknivextina 1,75 prósent eða, ef samið var um þáttinn Höfuðstóll við andlát, dánartíðnitöflu fyrirtækisins „AZ 2012 T U“ (→töflur) og reiknivextina 1,75 prósent á →biðtímanum.
- við útreikning á tryggðum bótum samkvæmt 1. mgr. tölul. 1.2 →reiknivextina 1,75 prósent.

Ef samið var um fleiri þætti, auk þáttarins Ellilífeyrir, beitung við, við útreikning á tryggðum greiðslum úr þessum þáttum, frekari →töflum sem tilgreindar eru í reglum viðkomandi þátta.

(2) Reikniforsendur þegar bætur hækka og í öðrum tilvikum

Þegar bætur hækka (til dæmis vegna viðbótargreiðslna eða vegna hluta í hagnaði) beitung við, við útreikning á viðbótargreiðslum, ávallt þeim reikniforsendum sem lagðar voru til grundvallar við samningsgerð.

Ef aðrar reikniforsendur en þær sem lágu til grundvallar við samningsgerð eru í gildi á hækkunardegi og snerta útreikning á →bótasjóði í nýjum sambærilegum tryggingum, vegna ákvarðana eftirlitsyfirvalda og/eða opinberra yfirlýsinga Félags þýskra tryggingafræðinga (DAV), getum við sömu leiðis lagt þær til grundvallar við hækkun bóta. Ef gildandi reikniforsendur fyrir útreikning á bótasjóði breytast á ný, eftir hækkun bóta, getum við við síðari hækkun bóta beitt nýju reikniforsendum eða lagt áfram til grundvallar þær reikniforsendur sem síðast við beitt.

Við greinum þér frá því ef við beitung öðrum reikniforsendum en við samningsgerð eða við síðustu hækkun bóta.

Að undanskildum þeim tilvikum þegar bætur hækka gilda þessar reglur einnig þegar skilmerkilega er vísað til þeirra í viðkomandi köflum þessara tryggingarskilmála.

2. Bætur úr hagnaðarhlutdeild

Um hlutdeild samningsins í hagnaði gilda eftirfarandi reglur. Ef sérákvæði gilda um einstaka þætti er þau að finna í reglum viðkomandi þáttar.

Í þessum hluta er fjallað um:

- 2.1 Hverjar eru réttarlegar forsendur fyrir hlutdeild í hagnaði?
 - 2.2 Hvers vegna er ekki hægt að tryggja hæð hlutdeildar í hagnaði?
 - 2.3 Hvaða tegundir hagnaðarluta eru í boði?
 - 2.4 Hverjir eru reiknistuðlar hluta tryggingarinnar í hagnaði?
 - 2.5 Hvemig er hagnaðarhlutum tryggingarinnar ráðstafað?
 - 2.6 Hvemig öðlast tryggingin hlutdeild í matssjóðunum?
-

2.1 Hverjar eru réttarlegar forsendur fyrir hlutdeild í hagnaði?

Við veitum þér hlutdeild í hagnaði og →matssjóðum (hagnaðarhlutdeild) samkvæmt 153. gr. laga um váttryggingarsamninga (VVG).

(1) Hlutdeild í hagnaði

a) Hagnaður reiknaður út

Hagnaðurinn er reiknaður út samkvæmt fyrirmælum verslunarlaga (HGB) og er tilgreindur árlega í ársreikningi okkar.

b) Sameiginleg lágmarkshlutdeild tryggingartaka

Hagnaðurinn fæst aðallega með tekjum af fjárfestingum okkar.

→Tryggingartakar öðlast sameiginlega að minnsta kosti þann prósentuhlut af nettóhagnaði fjárfestinga sem ætlað er að standa straum af tryggingarbótum (3 gr. reglugerðar um lágmarkshlutdeild - MindZV) sem tilgreindur er í þessari reglugerð eins og hún er í gildi hverju sinni (nú 90 prósent). Af þessari upphæð eru fyrst tryggðar tryggingargreiðslu fjármagnaðar. Upphæðin sem eftir stendur jafngildir þeim hluta hagnaðar af fjárfestingum sem við ráðstöfum sem hlutdeild →tryggingartaka í hagnaði.

Frekari hagnaður verður til ef áhætta (til dæmis vegna breytinga á dánartíðni) eða kostnaður (til dæmis vegna sparnaðaraðgerða) reynast hagstæðari en áætlanir gerðu upphaflega ráð fyrir. Af þessum hagnaði fá →tryggingartakar einnig að minnsta kosti þann prósentuhlut sem tilgreindur er í reglugerð um lágmarkshlutdeild (MindZV) eins og hún er í gildi hverju sinni (nú 75 prósent af áhættuhagnaði og 50 prósent af öðrum hagnaði).

Í undantekningartilvikum má skerða lágmarkshlutdeild →tryggingartaka að fengnu samþykki eftirlitsfirvalda (5. gr. reglugerðar um lágmarkshlutdeild - MindZV).

c) Varasjóður til endurgreiðslu iðgjalda

Þann hluta hagnaðar sem kemur í hlut →tryggingartaka leggjum við í →varasjóð til endurgreiðslu iðgjalda, svo framarlega sem þessum hagnaðarluta er ekki þegar ráðstafað beint á forni svonefndrar beingreiðslu inn á tryggingar sem eiga rétt á hagnaði. Hlutverk þessa varasjóðs er að jafna út hagnaðarsveiflur til lengri tíma lítið. Yfirleitt má aðeins nota hann í hagnaðarhlutdeild tryggingartaka.

Samkvæmt reglum laga um eftirlit með tryggingarsamningum (VAG) er okkur einungis í undantekningartilvikum heimilt að víkja frá þessari vinnureglu svo framarlega sem framlagið í varasjóð er ekki ætlað í fyrirfram ákveðna hluti í hagnaði.

d) Myndun tryggingaflokka

Hver og ein trygging leggur mismunandi mikið af mörkum til einstakra tegunda hagnaðar. Við höfum því sett sambærilegar tryggingar saman í flokka:

- Hagnaðarflokka myndum við til dæmis til að taka tillit til áhættunnar sem er tryggð (svo sem andláts- eða örorkuáhættu).
- Undirflokkar miðast til dæmis við sérkenni samninga (svo sem upphaf tryggingar eða form iðgjaldagreiðslu).

Hagnaðartegundunum sem falla →tryggingartökum í skaut er dreift á einstaka flokka í samræmi við framlag flokkanna til myndunar hvorrar tegundar hagnaðar fyrir sig.

Til hvaða flokks trygging þín telst má sjá í tryggingargögnunum.

e) Prósentuhlutir í hagnaði kunngerðir

Stjórn fyrirtækisins ákvarðar hæð →prósentuhluta í hagnaði að fengnum tillögum →ábyrgs tryggingafræðings. →Prósentuhlutir í hagnaði eru birtir árlega í ársskýrslu okkar sem hægt er að panta hjá okkur hvenær sem er, eða við greinum þér frá þeim með öðrum hætti.

(2) Hlutdeild í matssjóðunum

→Matssjóðir verða til þegar markaðsvirði fjárfestinga er hærra en verðgildið sem fjárfestingarnar eru bókfærðar á í efnahagsreikningi. →Matssjóðir tryggja öryggi og hlutverk þeirra er að jafna út skammtímasveiflur á fjármagnsmörkuðum.

Við veitum →tryggingartökum beina hlutdeild í þessum →matssjóðum samkvæmt 3. mgr. 153. gr. laga um váttryggingarsamninga (VVG).

→Verðgildi matssjóðanna, sem taka skal mið af samkvæmt eftirlitsákvæðum um hlutdeild samninga, endurmetum við reglulega í þessum tilgangi.

Verðgildinu sem þannig fæst ráðstöfum við á tryggingarnar samkvæmt tölul. 2.6.

Hlutdeildin er bundin því skilyrði að farið sé að þeim eftirlitsákvæðum sem gilda fyrir okkur um fjármögnun til að tryggja að ávallt sé hægt að standa við skuldbindingar trygginganna (3. setning 3. mgr. 153 gr. laga um tryggingarsamninga - VVG).

→Matssjóðirnir eru tilgreindir í ársskýrslunni.

2.2 Hvers vegna er ekki hægt að tryggja hæð hlutdeildar í hagnaði?

Hæð hagnaðar fer einkum eftir vaxtaþróun á fjármagnsmarkaði, þróun áhættu og kostnaðar. Hæð →matssjóða er einnig háð fjármagnsmarkaði. Þess vegna er ekki hægt að tryggja hæð hlutdeildar í hagnaði.

2.3 Hvaða tegundir hagnaðarhluta eru í boði?

(1) Árlegir hagnaðarhlutir

Allt eftir því hvaða flokki trygging þín tilheyrir (sjá 1. mgr. d) tölul. 2.1) veitum við í byrjun hvers tryggingarárs þættinum Ellilífeyrir hlutdeild í áunnum hagnaði (árlegir hagnaðarhlutir).

a) Hlutdeild fyrir upphaf lífeyristöku

Árlegur hagnaðarhluti fyrir upphaf lífeyristöku felst í hluta í vaxtahagnaði. Auk þess getur fallið til Grunnhlutur í hagnaði sem og aukalegur hagnaðarhlutur.

b) Hlutdeild frá upphafi lífeyristöku

Árlegur hagnaðarhluti frá upphafi lífeyristöku er ákvarðaður út frá þeirri dánartíðnitöflu sem gildir um hagnaðarhlutdeildina (→töflur) og út frá ávöxtun.

(2) Hlutdeild í lokahagnaði

Auk þess getur bæst við hlutur í lokahagnaði við

- uppsögn, nýtingu höfuðstólsvalréttar eða við andlát fyrir upphaf lífeyristöku (samningslok) eða
- við byrjun greiðslu elli- eða eftirlífendalífeyris.

Hlutturinn í lokahagnaði samanstendur af venjulegum hlut í lokahagnaði. Hann getur minnkað við greiðslu höfuðstóls fyrir upphaf lífeyristöku (til dæmis við uppsögn) í hlutfalli við stöðu vaxta á fjármálamörkuðum. Nánar um þetta má lesa í ársskýrslu okkar. Til viðbótar við venjulegan lokahagnað getur fallið til viðbótarhlutur í lokahagnaði.

Hæð hluta í lokahagnaði ákvarðast að teknu tilliti til rekstrarafkomu hverju sinni, vaxtaþróunar á fjármálamörkuðum og af þróun áhættu hverju sinni hvað bótatilvik rekstrarársins varðar.

2.4 Hverjir eru reiknistuðlar hagnaðarluta tryggingarinnar?

(1) Reiknistuðlar fundnir

Reiknistuðlarnir sem →prósentuhlutir í hagnaði miðast við ráðast einkum af tryggingarþættinum, aldri →hins tryggða eða, í →félagatryggingum, af aldri allra hinna tryggðu, af →biðtíma og hæð tryggðs höfuðstóls eða tryggðs lífeyris. Þeir eru reiknaðir út skv. viðurkenndum reglum tryggingastærðfræðinnar.

(2) Reiknistuðlar árlegra hagnaðarluta

a) Hagnaðarlutar fyrir upphaf lífeyristöku

Reiknistuðull fyrir hluta í vaxtahagnaði og hluta í aukalegum hagnaði er →bótahöfuðstóll tryggingarinnar, sem við reiknum út í lok liðsins tryggingarárs og afvöxtum fyrir eitt ár með →reiknivöxtum samkvæmt 1. mgr. tölul. 1.4. Reiknistuðull hlutar í grunnhagnaði er framlagið í áhættusjóð.

b) Hagnaðarlutar frá upphafi lífeyristöku

Árlegur hagnaðarluti frá upphafi lífeyristöku ræðst einkum af því fjármagni sem fyrir hendi er til að fjármagna lífeyrisgreiðslur í framtíðinni og til að fjármagna hugsanlega umsamda greiðslu höfuðstóls við andlát.

(3) Reiknistuðlar hluta í lokahagnaði

Reiknistuðull fyrir venjulegan hlut í lokahagnaði er →bótahöfuðstóll tryggingarinnar sem um ræðir á hverju liðnu tryggingarári. Reiknistuðull fyrir aukalegan hlut í lokahagnaði er árlegur hagnaðarluti þess tryggingarárs þegar úthlutunin fór fram.

2.5 Hvernig er hagnaðarlutum tryggingarinnar ráðstafað?

(1) Ráðstöfun árlegra hagnaðarluta fyrir upphaf lífeyristöku inn á gjaldskrárbónus

a) Gjaldskrárbónus fjármagnaður

Ef samið var um Endurgreiðslu iðgjalds-Plús samkvæmt 1. mgr. tölul. 1.2 eða um þáttinn Höfuðstóll við andlát, ráðstöfum við árlegum hagnaðarlutum úr þættinum Ellilífeyrir, að teknu tilliti til umsýslukostnaðar, í aukalega iðgjaldsfria greiðslu (gjaldskrárbónus).

Það sama á við um hagnaðarluta úr fleiri þáttum, sé annað ekki tekið fram í reglum þessara þátta.

Sérhver gjaldskrárbónus á sína tilteknu hlutdeild í hagnaði. Árlegum hagnaðarlutum úr gjaldskrárbónusi verður ráðstafað eins og lýst er í 1. setningu.

Árlegir hagnaðarlutar eru bundnir til að fjármagna aukalegar iðgjaldsfriar bætur og þeim er ekki hægt að ráðstafa til að fjármagna hugsanlega nauðsynlegt endurmat á →framlagi í bótasjóð ef þess skyldi gerast þörf, til dæmis vegna þess að lífslíkur verða lengri en gert er ráð fyrir í forsendum útreikninga.

b) Bætur úr gjaldskrárbónus

Gjaldskrárbónus samanstendur af sömu þáttum og tryggingin en í honum felst þó ekki þátturinn Höfuðstóll við andlát af slysförum. Ef þátturinn Höfuðstóll við andlát er innifalinn samsvarar höfuðstóll við andlát í iðgjaldabónusi alltaf tryggðum höfuðstól til ellilífeyris. Að öðru leyti eru bætur úr bónusnum í sama hlutfalli innbyrðis og greiðslur úr tryggingu þinni með eftirfarandi undantekningu:

Ef þátturinn Örorkulífeyrir er innifalinn má örorkulífeyrir úr bónusnum ekki vera hærra en ellilífeyririnn úr þættinum Ellilífeyrir.

Við reiknum hækkun bóta úr gjaldskrárbónus samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

(2) Ráðstöfun árlegra hagnaðarluta fyrir upphaf lífeyristöku inn á lífunarbónus

a) Lífunarbónus fjármagnaður

Ef samið var um endurgreiðslu iðgjalds samkvæmt 2. mgr. tölul. 1.2, Eftirlifendalífeyrir fyrir upphaf lífeyristöku, eða ef ekki var samið um bætur við andlát, þá ráðstöfum við árlegum hagnaðarlutum úr þættinum Ellilífeyrir í aukalega iðgjaldsfria greiðslu (lífunarbónus), að teknu tilliti til umsýslukostnaðar. Það sama á við um hagnaðarluta úr fleiri þáttum, sé annað ekki tekið fram í reglum þessara þátta.

Sérhver lífunarbónus á sína tilteknu hlutdeild í hagnaði.

Árlegir hagnaðarlutir úr lífunarbónusi verða notaðir eins og lýst er í 1. setningu.

Árlegir hagnaðarlutir eru bundnir til að fjármagna aukalegar iðgjaldsfriar bætur og þeim er ekki hægt að ráðstafa til að fjármagna hugsanlega nauðsynlegt endurmat á →framlagi í bótasjóð ef þess skyldi gerast þörf, til dæmis vegna þess að lífslíkur verða lengri en gert er ráð fyrir í forsendum útreikninga.

b) Bætur úr lífunarbónus

Lífunarbónus hækkar tryggðan lífeyri úr þættinum Ellilífeyrir. Ef samið var um greiðslu höfuðstóls við andlát eftir upphaf lífeyristöku er þessi andlátsvernd einnig innifalin í lífunarbónus.

Við reiknum hækkun bóta úr lífunarbónus samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

(3) Ráðstöfun árlegra hagnaðarluta frá upphafi lífeyristöku

a) Hagnaðarlífeyrir fjármagnaður

Árlegum hagnaðarlutum þáttarins Ellilífeyrir ráðstöfum við til að fjármagna hagnaðarlífeyri, að teknu tilliti til umsýslukostnaðar. Það sama á við um hagnaðarluta úr fleiri þáttum, sé annað ekki tekið fram í reglum þessara þátta.

Hagnaðarlífeyri sem ekki er hægt að ábyrgjast færð þú frá upphafi lífeyristöku auk tryggðs lífeyris frá upphafi lífeyristöku.

Hagnaðarlífeyrir samanstendur af aukalegum lífeyri úr þættinum Ellilífeyrir sem og árlegum hækkunum lífeyris sem ákveðnar eru sem hundraðshluti heildarlífeyris fyrra árs. Fyrsta hækkun lífeyris á sér stað 1 ári eftir upphaf lífeyristöku.

Heildarlífeyrir úr þættinum Ellilífeyrir myndast því úr

- tryggðum lífeyri frá upphafi lífeyristöku,
- aukalegum lífeyri, sem ekki er hægt að tryggja, úr þættinum Ellilífeyrir sem og
- árlegri hækkun lífeyris, sem ekki er hægt að tryggja.

Ef þátturinn Eftirlifendalífeyrir frá upphafi lífeyristöku er innifalinn þá er eftirlifendalífeyrir frá upphafi lífeyristöku einnig innifalinn í hagnaðarlífeyri. Hlutfall þeirra miðað við ellilífeyrinn er jafnt og samsvarandi hlutfall við upphaf lífeyristöku.

Grundvöllur að útreikningi aukalegs lífeyris, sem ekki er hægt að tryggja, er sú dánartíðnitafla (→töflur) og sú ávöxtun sem gilda um hagnaðarlutdeild sem og árlegar hækkanir lífeyris, sem ekki er hægt að tryggja.

b) Afleiðingar af breytingum á prósentuhlutum í hagnaði

Breyting á →prósentuhlutum í hagnaði getur leitt til þess

- að hækkun lífeyrisgreiðslna í framtíðinni verði með öðrum hætti en til þessa;
- að þegar áunnin greiðsla úr hagnaðarlífeyri breytist.

Skerðing heildarlífeyris getur þó í mesta lagi farið niður í tryggða hæð lífeyris frá upphafi lífeyristöku.

Við byrjun lífeyrisgreiðslu og við allar síðari breytingar upplýsum við þig um hæð áður nefnds aukalegs lífeyris og hækkunarhlutfallið.

c) Breyting á ráðstöfun hagnaðarluta

Þú getur farið fram á það skriflega að við ráðstöfum árlegum hagnaðarlutum frá upphafi lífeyristöku á annan hátt en um samdist við samningsgerð, miðað við þá ráðstöfunarmöguleika sem í boði eru af okkar hálfu. Þessa skriflegu yfirlýsingu þurfum við að fá í hendur í síðasta lagi einum mánuði fyrir umsamið upphaf lífeyristöku.

(4) Notkun hluta í lokahagnaði

Ef um hluta í lokahagnaði er að ræða í samningslok greiðum við hann út.

Með hluta í lokahagnaði frá upphafi töku elli- eða eftirlífendalífeyris fjármögnum við hækkun hagnaðarlífeyris (sjá 3. mgr. a) og b)), sem ekki er hægt að tryggja.

2.6 Hvemig öðlast tryggingin hlutdeild í matssjóðunum?

(1) Hvenær hlutdeild stofnast

Auk hlutdeildar í hagnaði öðlast tryggingin hlutdeild í →matssjóðunum (sjá 2. mgr. tölul. 2.1):

- við uppsögn, nýtingu höfuðstólsvalréttar eða fráfall fyrir upphaf lífeyristöku (samningslok) eða
- við upphaf ellilífeyris eða eftirlífendalífeyris sem og
- meðan á greiðslu lífeyris stendur.

(2) Orsakarmiðuð aðferð hlutdeildar

Hlutdeild í matssjóðum er ákveðin með orsakarmiðaðri aðferð. Samkvæmt þessari aðferð ákvarðast →matssjóðir sem koma í hlut hvers samnings, sem hluti í →matssjóðum allra samninga sem eiga rétt á slíku. Þessi hluti ræðst af samtölu allra bótahöfuðstóla tryggingarinnar á liðnum tryggingarárum, daginn sem útreikningur fer fram vegna samningsins, og er þessi hluti ákveðið hlutfall af samtölu allra sams konar bótahöfuðstóla allra samninga sem eiga tilkall til hlutdeildar á sömu tryggingarárum.

(3) Úthlutun og ráðstöfun matssjóða

Við samningslok eða við upphaf töku elli- eða eftirlífendalífeyris úthlutum við tryggingu þinni helming þeirrar upphæðar sem kom í hlut tryggingarinnar á þeim tímapunkti samkvæmt 3. mgr. 153. gr. laga um váttryggingarsamninga (VVG). Ef samningnum lýkur er hlutdeild í →matssjóðum greidd út. Ef ellilífeyrir eða eftirlífendalífeyrir er greiddur fjármögnum við við upphaf lífeyristöku hækkun tryggðs lífeyris með hlutdeildinni í matsvirðisaukanum. Við reiknum bæturnar samkvæmt grundvallarreglum tryggingafræðinnar. Í þeim efnunum gilda reglur samkvæmt 2. mgr. tölul. 1.4.

(4) Fjárhæð hlutdeildar og grunnupphæð

Hæð →matssjóðanna, sem trygging þín fær hlutdeild í, fer eftir fjármagnsmarkaðnum og er háð sveiflum. Til að jafna út þessar sveiflur getum við, að teknu tilliti til afkomu, ákveðið tiltekna grunnupphæð sem hlutdeild í →matssjóðunum:

- við upphaf töku ellilífeyris,
- við nýtingu höfuðstólsvalréttar sem og
- við uppsögn og við andlát á síðasta ári →biðtíma eða á síðustu 7 árum biðtíma, ef →hinn tryggði hafði þá náð að minnsta kosti 55 ára →reiknuðum aldri.

Reiknistuðull grunnupphæðar er →bótahöfuðstóll tryggingarinnar sem um ræðir, á hverju viðkomandi liðnu tryggingarári.

Ef grunnupphæðin, sem ákvarðast af 3. mgr. 153. gr. laga um váttryggingarstarfsemi (VVG), fer fram úr þeirri hlutdeild í →matssjóðum sem nú skal úthluta, þá verður grunnupphæðinni úthlutað, annars verður lögboðin úthlutun látin gilda.

Grunnupphæð sem og viðmiðunardagar fyrir útreikning →matssjóða eru ákveðin fyrir eitt almanaksár í einu. Ákvörðunin er birt í ársskýrslunni.

(5) Hlutdeild reglubundins lífeyris

Reglubundinn lífeyrir öðlast, samkvæmt 1. og 2. mgr. 153. gr. laga um váttryggingarsamninga (VVG), hlutdeild í matssjóðunum, ýmist með sanngjarnri hækkun reglubundinnar hlutdeildar í hagnaði eða með sanngjarnri hlutdeild í lokahagnaði →matssjóðanna. Þegar tekin er ákvörðun um þessa →prósentuhluti í hagnaði er sérstaklega horft til stöðu matssjóðanna hverju sinni.

(6) Frekari upplýsingar

Nánar um þetta má lesa í ársskýrslu okkar.

3. Bótaþegi og millifærsla greiðslna

Í þessum hluta er fjallað um:

- 3.1 Hver fær bæturnar og hvemig getur þú haft áhrif á það?
- 3.2 Hvað gildir um millifærslu greiðslna?

3.1 Hver fær bæturnar og hvemig getur þú haft áhrif á það?

(1) Bótaþegi og afturkallanlegur viðtökuréttur

Bætur samkvæmt samningnum innum við af hendi til þín sem →tryggingartaka okkar eða til erfingja þinna ef þú hefur ekki tilgreint neinn annan sem á að eignast kröfur samkvæmt samningnum á gjalddaga (bótaþegi). Viðtökurétti bótaþega má breyta eða afturkalla hann hvenær sem er fyrir hvern gjalddaga (afturkallanlegur viðtökuréttur). Eftir andlát →hins tryggða er ekki lengur hægt að breyta viðtökurétti eða afturkalla hann.

(2) Óafturkallanlegur viðtökuréttur

Þú getur kveðið skýrt á um að bótaþegi eigi að eignast kröfurnar samkvæmt tryggingarsamningnum, strax og órifanlega. Eftir að við höfum fengið yfirlýsingu þína í hendur er aðeins hægt að nema þennan rétt bótaþega úr gildi ef bótaþegi samþykkir.

(3) Afsal og veðsetning kröfuréttinda

Þú getur líka afsalað þér eða veðsett réttindi þín samkvæmt samningnum ef slík ráðstöfun er heimil lögum samkvæmt.

(4) Skriflegar staðfestingar

Veiting og afturköllun viðtökuréttar (1. og 2. mgr.) sem og afsal eða veðsetning krafna samkvæmt samningnum (3. mgr.) öðlast þá og því aðeins gildi gagnvart okkur, þegar sá sem hafði þennan rétt hingað til hefur tilkynnt okkur um breytinguna skriflega. Tilkynning með símbréfi eða í tölvupósti uppfyllir ekki kröfu um →skriflega staðfestingu. Réttthafi hingað til er yfirleitt þú. En það geta líka verið aðrir ef þú hefur þegar gert viðeigandi bindandi ráðstafanir.

3.2 Hvað gildir um millifærslu greiðslna?

Við millifærum bæturnar til þess sem veita má þeim viðtöku, á hans kostnað. Við yfirfærslur til ríkja utan Evrópska efnahagssvæðisins ber sá sem veita má bótunum viðtöku áhættuna sem því tengist.

4. Útilokanir frá bótum og takmarkanir bóta

Í þessum hluta er fjallað um:

- 4.1 Hvað gildir í herþjónustu, róstum eða stríði eða við notkun eða losun kjama-, sýkla- eða efnavopna/efna eða geislavirkra, líffræðilegra- eða kemískra efna?
- 4.2 Hvað gildir um sjálfsvíg hins tryggða?

- 4.1 Hvað gildir í herþjónustu, róstum eða stríði eða við notkun eða losun kjama-, sýkla- eða efnavopna/efna eða geislavirkra, líffræðilegra- eða kemískra efna?

(1) Grundvallarregla

Meginreglan er að við greiðum bætur óháð því hvað veldur tryggingartilvikinu. Við greiðum bætur alveg sérstaklega ef →hinn tryggði lætur lífið við her- eða lögreglustörf eða í innanlandsátökum.

(2) Takmörkuð bótaskylda

Bótageiðsla okkar við andlát →hins tryggða fyrir upphaf lífeyristöku er takmörkunum háð í eftirtöldum tilvikum:

a) Andlátíð er í beinum eða óbeinum tengslum við stríðsátök.

Við greiðum þó óskertar bætur ef →hinn tryggði andast meðan á dvöl hans utan Þýskalands stendur í beinum eða óbeinum tengslum við stríðsátök sem hann tók ekki virkan þátt í.

b) Andlátíð er í beinum eða óbeinum tengslum við

- vísitandi beitingu kjarna-, líffræðilegra- eða kemískra vopna (kjarna-, sýkla- eða efnavopna, (ABC-vopna) eða
- vísitandi beitingu eða vísitandi losun geislavirkra, líffræðilegra- eða kemískra efna, ef beiting eða losun miðaði að því að stofna lífi fjölda fólks í hættu.

Við greiðum þó óskertar bætur ef um afmarkaðan atburð í tíma og rúmi er að ræða, þar sem ekki látast fleiri en 1.000 manns beint eða fyrirsjáanlega óbeint innan 5 ára frá atburðinum eða muni hljóta varanlegt alvarlegt heilsutjón. Við munum innan sex mánaða frá atvikinu fela óháðum matsmanni að kanna, og ef við á staðfesta, forsendur fyrir óskertri greiðsluskyldu.

Kröfur um óskertar tryggingarbætur gjaldfalla ekki fyrr en í fyrsta lagi að þeim fresti liðnum.

(3) Áhrif skertrar bótaskyldu

Skert bótaskylda hefur eftirfarandi áhrif:

a) Ef ekki var samið um þáttinn Eftirlifendalífeyrir fyrir upphaf lífeyristöku greiðum við þá upphæð sem reiknast samkvæmt tölul. 8.2 eða 8.3. Frádráttur samkvæmt 2. mgr. tölul. 8.2 fer í hvorugu tilvikinu fram. Við bætist endurkaupvirði úr hugsanlega umsömdum þætti Höfuðstóll við andlát.

Við greiðum þó samtals í hæsta lagi þær bætur sem um var samið vegna andláts. Forsenda þess er að við myndum þá inna af hendi bætur við uppsögn.

Upphæðin sem er fundin á þennan hátt reiknast út miðað við fyrsta dag næsta mánaðar eftir andlátsdag.

b) Ef samið var um þáttinn Eftirlifendalífeyrir fyrir upphaf lífeyristöku, þá lækkar bótageiðslan úr honum niður í lífeyrinn sem við getum greitt miðað við upphæð sem reiknast samkvæmt tölul. 8.4 þennan ofangreinda viðmiðunardag. Frádráttur samkvæmt 2. mgr. tölul. 8.2 fer ekki fram. Við reiknum þennan lífeyri samkvæmt grundvallarreglum tryggingafræðinnar.

Í þeim efnum gilda reglur samkvæmt 1. mgr. tölul. 1.4. Samtals greiðum við þó í hæsta lagi umsamdar bætur.

4.2 Hvað gildir um sjálfsvíg hins tryggða?

(1) Grundvallarregla

Við sjálfsvíg af ásettu ráði greiðum við óskertar bætur ef þrjú ár eru liðin frá gerð samningsins.

Við sjálfsvíg af ásettu ráði áður en þriggja ára ára fresturinn er liðinn greiðum við því aðeins óskertar bætur að sannað verði fyrir okkur að vígið

- hafi verið framið í sjúklegu geðtruflunarástandi sem útilokaði frjálsa viljaákvörðun eða
- undir þrýstingi þungbærra, líkamlegra þjáninga.

(2) Skert bótaskylda og afleiðingar

Ef forsendur 1. mgr. eru ekki fyrir hendi greiðum við skertar bætur samkvæmt 3. mgr. tölul. 4.1.

(3) Breyting eða endurheimt tryggingarinnar

Málgreinar 1. og 2. gilda einnig við breytingu á tryggingunni sem víkkar bótaskyldu okkar eða við endurheimt tryggingarinnar.

Ef tryggingunni er breytt eða hún endurheimt hefst þriggja ára fresturinn að nýju hvað varðar breytta eða endurheimta hluta hennar.

5. Samstarfsskyldur þínar

Í þessum hluta er fjallað um:

5.1 Hvaða gagna getum við krafist?

5.2 Hvenær getum við farið fram á sönnur þess að hinn tryggði sé enn á lífi?

5.3 Hvaða gögn ber að leggja inn við andlát hins tryggða?

5.4 Á hvaða forsendum getum við krafist frekari sannana?

5.1 Hvaða gagna getum við krafist?

Þegar farið er fram á greiðslur samkvæmt samningnum getum við farið fram á það að eftirtalin gögn verði lögð fram:

- tryggingarskírteini;
- opinber staðfesting á fæðingardegi →hins tryggða (fæðingarvottorð).

5.2 Hvenær getum við farið fram á sönnur þess að hinn tryggði sé enn á lífi?

Fyrir hverja útborgun lífeyris eða höfuðstóls getum við, á okkar kostnað, krafist opinbers vottorðs um að →hinn tryggði sé enn á lífi.

5.3 Hvaða gögn ber að leggja inn við andlát hins tryggða?

Það ber að tilkynna okkur tafarlaust um andlát →hins tryggða.

Eftirfarandi gögn skal ávallt færa okkur:

- opinbera staðfestingu á fæðingardegi →hins tryggða (fæðingarvottorð) og
- opinbera staðfestingu á andláti →hins tryggða þar sem fram komi aldur og fæðingarstaður (dánarvottorð).

Ef samið var um Endurgreiðslu iðgjalds-Plús samkvæmt 1. mgr. tölul. 1.2 eða endurgreiðslu iðgjalds samkvæmt 2. mgr. tölul. 1.2 eða ef samið var um þáttinn Eftirlifendalífeyrir, þá skal auk þess færa okkur eftirfarandi gögn:

- ef tryggingin er án áhættumats: staðfestingu á dánarorsök,
- ef tryggingin er með áhættumati: ítarlegt vottorð læknis eða embættis um dánarorsök sem og um byrjun og feril sjúkdómsins sem dró →hinn tryggða til dauða.

5.4 Á hvaða forsendum getum við krafist frekari sannana?

Við getum krafist frekari sannana og gert ítarlegri rannsóknir ef slíkt reynist nauðsynlegt til að sannreyna bótaskyldu okkar. Kostnaðinn sem af þessu hlýst ber sá sem krefst tryggingagreiðslunnar.

6. Samningsgerðar- og sölukostnaður

Hvernig er samningsgerðar- og sölukostnaður sem innifalinn er í iðgjaldinu fjármagnaður?

Við gerð tryggingasamninga fellur til kostnaður (svonefndur samningsgerðar- og sölukostnaður). Samningsgerðar- og sölukostnaður sem innifalinn er í iðgjaldinu er ekki innheimtur sérstaklega heldur fjármagnaður með iðgjöldunum sem hér segir:

- með jöfnum upphæðum árlega,
- í að minnsta kosti fimm ár,
- en þó ekki lengur en til loka iðgjaldatímans.

Ef greitt er einstakt iðgjald drögum við af því innifalinn samningsgerðar- og sölukostnað þegar í stað.

7. Undanþága frá greiðslu iðgjalds

Í þessum hluta er fjallað um:

- 7.1 Hvernig má gera trygginguna iðgjaldsfría?
 - 7.2 Hverjir geta ókostir undanþágu frá greiðslu iðgjalds verið?
 - 7.3 Hvernig má koma fyrir tryggingavemd á að nýju eftir undanþágu frá greiðslu iðgjalds?
-

7.1 Hvernig má gera trygginguna iðgjaldsfría?

(1) Skilyrði

Hægt er að fara skriflega fram á að tryggingin haldi áfram án þess að greidd verði iðgjöld (undanþága frá greiðslu iðgjalds). Yfirlýsing þessa efnis með símbréfi eða í tölvupósti uppfyllir ekki kröfu um →skriflega staðfestingu. Hægt er að koma á undanþágu frá greiðslu iðgjalds í lok hvers tryggingartímabils (sjá B hluta, tölul. 2.1).

(2) Lágmarks tryggingabætur

Við höldum tryggingunni áfram með tryggðum iðgjaldsfríum lífeyri sem reiknast samkvæmt 4. mgr. ef lífeyririnn nemur að minnsta kosti 200 evrum þegar undanþágu frá greiðslu iðgjalds er komið á. Nái hann ekki þessari upphæð fellur tryggingin niður og við greiðum út upphæð sem reiknast samkvæmt tölul. 8.2 til 8.5 ef um slíkt er að ræða.

(3) Frestun

Hægt er að fara fram á ótímabundna undanþágu frá greiðslu iðgjalds eða tímabundna undanþágu frá greiðslu iðgjalds í allt að 3 ár. Þegar um tímamörk er að ræða upplýsum við þig tímanlega fyrir lok tímabilsins sem þú óskar eftir, um endurupptöku greiðslu iðgjalda og um möguleika á að greiða iðgjöldin sem á vantar vegna iðgjaldsfría tímabilsins. vegna iðgjaldsfría tímabilsins.

(4) Áhrif

Ef þú ferð fram á undanþágu frá greiðslu iðgjalds þá reiknum við iðgjaldsfrían tryggðan lífeyri og iðgjaldsfrían tryggðan höfuðstól þáttarins Ellilífeyrir samkvæmt viðurkenndum reglum tryggingafræðinnar, út frá reikniforsendum fyrir útreikning iðgjalda. Þar leggjum við endurkaupvirði samkvæmt 1. mgr. tölul. 8.2 til grundvallar. Upphæðin úr tryggingu þinni sem er til ráðstöfunar til að mynda iðgjaldsfrían tryggðan lífeyri og iðgjaldsfrían tryggðan höfuðstól er þá skert um frádrátt sem nemur 50 evrum vegna aukins umsýslukostnaðar.

Frádrátturinn fellur niður

- á síðasta ári →biðtímans eða
- á síðustu 7 árum biðtímans ef →hinn tryggði hafði náð að minnsta kosti 55 ára →reiknuðum aldri þegar undanþága frá greiðslu iðgjalds komst á.

Við teljum frádráttinn sanngjarnan. Okkur ber að gera grein fyrir honum og færa sönnur á hann. En ef þú færir okkur síðan sönnur á að í þínu tilfalli eigi frádrátturinn alls ekki við eða eingöngu lægri upphæð, þá fellur frádrátturinn niður eða við læknum hann – í síðara tilvikinu – að sama skapi.

Útreikningur iðgjaldsfrírrar greiðslu fer fram við lok tryggingartímabilsins sem þú greiddir síðast fullt iðgjald fyrir.

7.2 Hverjir geta ókostir undanþágu frá greiðslu iðgjalds verið?

Það getur haft ókosti í för með sér að gera trygginguna iðgjaldsfría. Í upphafi tryggingarinnar er aðeins lögboðna lágmarksendurkaupvirðið fyrir hendi vegna þess að iðgjöldunum er ráðstafað til að greiða samningsgerðar- og sölukostnað og umsýslukostnað og eins til að fjármagna umsamda áhættuvernd.

Og eins árin þar á eftir er ekki endilega víst að iðgjöld sem greidd hafa verið fram að því dugi til að mynda iðgjaldsfríar bætur. Nánar má lesa um hæð iðgjaldsfrírra bóta á samningstímanum í tryggingagögnunum.

7.3 Hvernig má koma fyrri tryggingavernd á að nýju eftir undanþágu frá greiðslu iðgjalds?

(1) Sex mánaða frestur til að koma tryggingavernd á að nýju án áhættumats

Innan sex mánaða frá því að tryggingin varð iðgjaldsfrí má fara fram á að tryggðar bætur verði hækkaðar upp í þá tryggingavernd sem gilti áður en tryggingin varð iðgjaldsfrí, án áhættumats.

Forsenda þess er að greiðsla iðgjalds hefjist að nýju samkvæmt 3. mgr.

Endurupptaka iðgjaldsgreiðslu og endurheimt tryggingaverndar er útilokuð ef samið var um fleiri þætti og →hinn tryggði er óvinnufær þegar iðgjaldsgreiðsla skal hefjast á ný,

- ef þátturinn Lífeyrir vegna óvinnufærni er innifalinn;
- þegar þátturinn Barnaframsæsla er innifalinn: undanþága frá greiðslu iðgjalds við umönnun barns sem er umönnunarþurfi, eða ef forsjáraðili andast eða verður óvinnufær og →hinn tryggði er umönnunarþurfi eða hinn tryggði forsjáraðili er óvinnufær eða er látinn;
- þegar þátturinn Barnaframsæsla er innifalinn: undanþága frá greiðslu iðgjalds við andlát forsjáraðila eða ef forsjáraðili er óvinnufær, hinn tryggði forsjáraðili er látinn eða er óvinnufær;
- þegar þátturinn Umönnunarbætur er innifalinn: bætur vegna umönnunar barns; →hinn tryggði er umönnunarþurfi.

(2) Almennur frestur til að koma tryggingavernd á að nýju með áhættumati

Einnig má, þegar 6 mánuðir eru liðnir, en þó aðeins innan 3 ára frá því að tryggingin var gerð iðgjaldsfrí, fara fram á að með endurupptöku iðgjaldsgreiðslu samkvæmt 3. mgr. verði tryggðar greiðslur hækkaðir upp í þá tryggingavernd sem gilti áður en tryggingin varð iðgjaldsfrí.

Ef tryggingin varð iðgjaldsfrí vegna foreldraorlofs getur fresturinn, milli þess sem tryggingin var gerð iðgjaldsfrí og fram að endurheimt fyrri tryggingaverndar, einnig verið lengri en 3 ár. Í þessu tilviki verður endurheimt tryggingaverndar þó að eiga sér stað í síðasta lagi innan 3ja mánaða frá lokum foreldraorlofs.

Við getum komið fyrri tryggingavernd á að nýju ef →hinn tryggði eða, í →félagatryggingum, →sérhver hinna tryggðu, þegar tryggingaverndin er endurheimt, gæti samið við okkur um nýja sambærilega tryggingu án örðugri skilmála.

(3) Möguleikar á endurheimt

Til þess að koma á að nýju þeirri tryggingavernd sem gilti áður en undanþága frá greiðslu iðgjalds gekk í gildi má

- greiða iðgjöldin fyrir tímabilið sem var iðgjaldsfrítt, eða
- greiða hærrí reglubundin iðgjöld.

Í stað þess er einnig hægt að lækka tryggðan lífeyri og tryggðan höfuðstól.

Við reiknum nýju iðgjöldin og nýju tryggðu bæturnar samkvæmt grundvallarreglum tryggingafræðinnar. Í þeim efnum gilda reglur samkvæmt 1. mgr. tölul. 1.4. Við upplýsum þig um áhrifin ef óskað er.

8. Uppsögn

Í þessum hluta er fjallað um:

- 8.1 Hvenær má segja tryggingunni upp?
- 8.2 Hvaða bætur greiðum við ef samið var um Endurgreiðslu iðgjalds-Plús eða ef samið var um þáttinn Höfuðstóll við andlát?
- 8.3 Hvaða bætur greiðum við ef samið var um endurgreiðslu iðgjalds?
- 8.4 Hvaða bætur greiðum við ef samið var um þáttinn Eftirlífendalífeyrir fyrir upphaf lífeyristöku?
- 8.5 Hvað gildir ef enginn kostanna sem tilgreindir eru í tölul. 8.2 til 8.4 á við?
- 8.6 Hverjir geta ókostir uppsagnar verið?

8.1 Hvenær má segja tryggingunni upp?

Þú getur sagt tryggingunni upp skriflega fyrir upphaf lífeyristöku á eftirfarandi tímum:

- tryggingum þar sem iðgjöld eru greidd með reglubundnum hætti undir lok tryggingartímabils;
- iðgjaldsfríum tryggingum undir lok yfirstandandi mánaðar. Undanskildar eru iðgjaldsfríar tryggingar samkvæmt tölul. 8.5.

Uppsögn með símbrefi eða í tölvupósti uppfyllir ekki kröfu um →skriflega staðfestingu.

Ef tryggingunni er sagt upp fer fram greiðsla sem er mynduð úr greiðslu úr þættinum Ellilífeyrir og hugsanlega greiðslum úr frekari þáttum sem um samdist.

Ef fleiri þættir eru innifaldir í samningnum er ítarlegri reglur um uppsögn að finna í reglum þessara þátta.

8.2 Hvaða bætur greiðum við ef samið var um Endurgreiðslu iðgjalds-Plús eða ef samið var um þáttinn Höfuðstóll við andlát?

(1) Endurkaupvirði

Ef samið var um Endurgreiðslu iðgjalds-Plús samkvæmt 1. mgr. tölul. 1.2 eða um þáttinn Höfuðstóll við andlát, greiðum við út endurkaupvirðið - ef um slíkt er að ræða - við uppsögn. Það er →bótahöfuðstóll þáttarins Ellilífeyrir, reiknaður út eftir viðurkenndum reglum tryggingafræðinnar á þeim reikniforsendum sem gilda um iðgjaldáútreikning á uppsagnardegi.

Í tryggingum þar sem iðgjöld eru greidd með reglubundnum hætti nemur verðgildi →bótahöfuðstólsins að minnsta kosti því verðgildi sem næst við það að dreifa samningsgerðar- og sölukostnaði, - sem ákveðinn er að teknu tilliti til hæstu Zillmer-reiknireglna sem eftirlitsréttur heimilar - jafnt á fyrstu fimm tryggingarárin, í mesta lagi þó á iðgjaldatímamann.

(2) Frádráttur

Frá upphæðinni sem finnst samkvæmt 1. mgr. reiknum við frádrátt. Í tryggingargögnunum er tilgreint hversu hár frádrátturinn er. Þar eru ástæður frádráttarins sömuleiðis útskýrðar.

Frádrátturinn fellur niður við uppsögn

- á síðasta ári →biðtímans eða
- á síðustu 7 árum biðtímans ef →hinn tryggði hefur þá náð að minnsta kosti 55 ára →reiknuðum aldri.

Við teljum frádráttinn sanngjarnan. Okkur ber að gera grein fyrir honum og færa sönnur á hann. En ef þú færir okkur síðan sönnur á að í þínu tilfalli eigi frádrátturinn alls ekki við eða eingöngu lægri upphæð, þá fellur frádrátturinn niður eða við lækkuðum hann – í síðara tilvikinu – að sama skapi. Ógreidd iðgjöld drögum við frá endurkaupvirðinu.

(3) Lækkun í undantekningartilvikum

Við höfum rétt til þess að lækka hæfilega upphæðina sem reiknuð er út samkvæmt 1. mgr. ef það er nauðsynlegt til að útiloka að hagsmunum tryggingartaka sé stofnað í hættu.

Einkum ef hætta er á að ekki sé til frambúðar hægt að uppfylla skyldur samkvæmt samningunum. Lækkunin tekur til eins árs í senn (6. mgr. 169. gr. laga um tryggingarsamninga - VVG).

(4) Hækkun útborgaðrar upphæðar um sem nemur einum hlut í lokahagnaði

Til viðbótar við upphæð sem reiknast samkvæmt 1. til 3. mgr. getur komið endurkaupvirði úr hlut í lokahagnaði (sjá 2. mgr. tölul. 2.3 og 4. mgr. tölul. 2.5).

(5) Hækkun útborgaðrar upphæðar um sem nemur matssjóðum

Upphæðin sem reiknast samkvæmt 1. til 4. mgr. getur hugsanlega hækkað um sem nemur þeim →matssjóðum sem tryggingu þinni er úthlutað (sjá tölul. 2.6).

(6) Áhrif

Með útborgun upphæðarinnar sem fæst samkvæmt 1. til 5 mgr. fellur tryggingin niður.

8.3 Hvaða bætur greiðum við ef samið var um endurgreiðslu iðgjalds?

Ef samið var um endurgreiðslu iðgjalds samkvæmt 2. mgr. tölul. 1.2 greiðum við, ef til uppsagnar kemur, að fullu upphæð sem reiknast samkvæmt 1. til 4. mgr. tölul. 8.2, ef hún er ekki hærri en endurgreiðsla iðgjalds við andlát. Ef upphæðin er hærri en endurgreiðsla iðgjalds við andlát, skerðum við það sem umfram er um frekari frádrátt:

Frá þeim hluta upphæðarinnar sem er umfram endurgreiðslu iðgjalds við andlát

- drögum við 6 prósent;
- drögum við aukalega, fyrir hvert ár sem eftir er fram að umsömdu upphafi lífeyristöku þegar til uppsagnar kom, 1,5 prósent.

En frekari frádráttur nemur í hæsta lagi samtals 30 prósentum.

Með þessum frádrætti jöfnum við almennt út hugsanlega breytta áhættu þeirra tryggingartaka sem eftir eru (áhættujöfnun). Í tryggingargögnunum er tilgreint hvers vegna við framkvæmum þennan frádrátt.

Við teljum frádráttinn sanngjarnan. Okkur ber að gera grein fyrir honum og færa sönnur á hann. En ef þú færir okkur síðan sönnur á að í þínu tilfalli eigi frádrátturinn alls ekki við eða eingöngu lægri upphæð, þá fellur frádrátturinn niður eða við lækkum hann – í síðara tilvikinu – að sama skapi.

Útreiknuð upphæð getur hugsanlega hækkað um sem nemur þeim →matssjóðum sem tryggingu þinni er úthlutað (sjá tölul. 2.6).

Með útborgun upphæðarinnar sem er reiknuð þannig út fellur tryggingin niður.

8.4 Hvaða bætur greiðum við ef samið var um þáttinn Eftirlifendalífeyrir fyrir upphaf lífeyristöku?

Ef samið var um þáttinn Eftirlifendalífeyrir fyrir upphaf lífeyristöku greiðum við að fullu, ef til uppsagnar kemur, upphæð sem reiknast samkvæmt 1. til 4. mgr. tölul. 8.2, ef hún er ekki hærri en 20-föld ársupphæð Eftirlifendalífeyris. Ef upphæðin er hærri en 20-föld ársupphæð Eftirlifendalífeyris drögum við aukalegan frádrátt frá því sem umfram er.

Af því sem er umfram 20-falda ársupphæð Eftirlifendalífeyris

- drögum við 6 prósent;
- drögum við aukalega, fyrir hvert ár sem eftir er fram að umsömdu upphafi lífeyristöku þegar til uppsagnar kom, 1,5 prósent.

En frekari frádráttur nemur í hæsta lagi samtals 30 prósentum.

Með þessum frádrætti jöfnum við almennt út hugsanlega breytta áhættu þeirra tryggingartaka sem eftir eru (áhættujöfnun). Í tryggingargögnunum er tilgreint hvers vegna við framkvæmum þennan frádrátt.

Við teljum frádráttinn sanngjarnan. Okkur ber að gera grein fyrir honum og færa sönnur á hann. En ef þú færir okkur síðan sönnur á að í þínu tilfalli eigi frádrátturinn alls ekki við eða eingöngu lægri upphæð, þá fellur frádrátturinn niður eða við lækkuð hann – í síðara tilvikinu – að sama skapi.

Útreiknuð upphæð getur hugsanlega hækkað um sem nemur þeim → matssjóðum sem tryggingu þinni er úthlutað (sjá tölul. 2.6).

Með útborgun upphæðarinnar sem er reiknuð þannig út fellur tryggingin niður.

8.5 Hvað gildir ef enginn kostanna sem tilgreindir eru í tölul. 8.2 til 8.4 á við?

Ef hvorki var samið um Endurgreiðslu iðgjalds-Plús samkvæmt 1. mgr. tölul. 1.2, né um endurgreiðslu iðgjalds samkvæmt 2. mgr. tölul. 1.2, né um þáttinn Höfuðstóll við andlát og ekki heldur um þáttinn Eftirlifendalífeyrir fyrir upphaf lífeyristöku, þá ræðst það af því hvort iðgjöld hafi verið greidd með reglubundnum hætti fram að uppsögn hvort tryggingin sé uppsegjanleg. Í þeim efnum gildir:

- Ef iðgjöld voru greidd með reglubundnum hætti fram að uppsögn gerum við trygginguna iðgjaldafríá samkvæmt 4. mgr. tölul. 7.1; en ef iðgjaldsfrír tryggður lífeyrir er lægri en 200 evrur á ári, þá greiðum við þess í stað út þá upphæð sem reiknast samkvæmt tölul. 8.2 og tryggingin fellur niður.
- Ef tryggingin er iðgjaldsfrí er ekki hægt að segja henni upp.

8.6 Hverjir geta ókostir uppsagnar verið?

Uppsögn tryggingarinnar getur haft ókosti í för með sér. Í upphafi tryggingarinnar er aðeins lögboðna lágmarksendurkaupvirðið fyrir hendi vegna þess að iðgjöldunum er ráðstafað til að greiða samningsgerðar- og sölukostnað og umsýslukostnað og eins til að fjármagna umsamda áhættuvernd. Þess vegna er ekki endilega víst að árin þar á eftir nái endurkaupvirðið samtölu greiddra iðgjalda. Nánar má lesa um hæð endurkaupvirðis á samningstímanum í tryggingagögnunum.

9. Möguleikar við samningsgerð

Hér er að finna fjölmarga samningsmöguleika tryggingarinnar.

Þeir eru bundnir vissum skilyrðum. Ef tiltekinn samningsmöguleiki er valinn getur það haft áhrif á hæð tryggingarbótanna.

Í þessum hluta er fjallað um:

- 9.1 Hvaða möguleikar eru í boði til að gera upphaf lífeyristöku sveigjanlegt?**
 - 9.2 Hvenær má velja höfuðstól í stað lífeyris?**
 - 9.3 Hvenær má velja tímabundinn lífeyri í stað ævilangs lífeyris?**
 - 9.4 Hvenær má breyta bótagreiðslum við andlát eftir upphaf lífeyristöku?**
 - 9.5 Hvenær á biðtímanum má bæta við eftirlifendalífeyri án áhættumats?**
 - 9.6 Hvenær má bæta við tryggingarvernd í umönnunartilfalli?**
 - 9.7 Hvenær má greiða viðbótargreiðslur?**
 - 9.8 Hvenær má taka höfuðstól úr tryggingunni?**
 - 9.9 Hvenær má breyta iðgjaldatímanum?**
 - 9.10 Hvenær má lækka eða fresta iðgjaldsgreiðslum í atvinnuleysi eða í skertu starfi í foreldraorlof eða meðan á faglegri starfsendurmenntun stendur?**
-

9.1 Hvaða möguleikar eru í boði til að gera upphaf lífeyristöku sveigjanlegt?

(1) Greiðslu bóta flýtt

Þú getur farið fram á að við flýtum umsömdu upphafi lífeyristöku um allt að 7 ár.

Ef samningurinn heimilar að upphafi lífeyristöku sé flýtt munum við upplýsa þig um það.

a) Forsendur

- →Hinn tryggði hefur náð að minnsta kosti 55 ára →reiknuðum aldri þegar nýja upphaf lífeyristöku hefst. Skrifleg tilkynning þín þarf að berast okkur í síðasta lagi einum mánuði fyrir nýja upphaf lífeyristöku.
- Endurreiknaður heildarlífeyrir, að hagnaðarhlutdeild meðtalinni, verður að nema að minnsta kosti 200 evrum á ári við nýja upphaf lífeyristöku.
- Ef samið var um þáttinn Eftirlífendalífeyri frá upphafi lífeyristöku verður greiðslan úr þeim þætti einnig endurreiknuð og verður að nema að minnsta kosti 200 evrum á ári. Tíminn frá byrjun tryggingar fram að umbeðnu upphafi lífeyristöku skal vera að minnsta kosti eitt ár.

b) Áhrif

Við það að upphafi lífeyristöku er flýtt skerðist tryggður lífeyrir og tryggður höfuðstóll samkvæmt grundvallarreglum tryggingafræðinnar.

c) Áhrif á aðra þætti

Ef samið var um þáttinn

- Eftirlífendalífeyrir fyrir upphaf lífeyristöku,
- Höfuðstóll við andlát,
- Höfuðstóll við andlát af slysförum eða
- Lífeyrir vegna óvinnufærni, fellur sá þáttur niður þegar nýja upphafi lífeyristöku er náð.

Ef við greiðum lífeyri vegna óvinnufærni þegar nýja upphafi lífeyristöku er náð þá greiðum við þær bætur óbreyttar áfram.

Ef samið var um þáttinn Eftirlífendalífeyri frá upphafi lífeyristöku lækka þær bætur samkvæmt grundvallarreglum tryggingastærðfræðinnar. Grundvallarreglum tryggingastærðfræðinnar. Hlutfall annars vegar eftirlífendalífeyris frá upphafi lífeyristöku og greiðslu höfuðstóls við andlát eftir upphaf lífeyristöku, og hins vega tryggðs ellilífeyris úr þættinum Ellilífeyrir, breytist ekki þótt greiðslum sé flýtt.

d) Möguleikar við samningsgerð

Um upphaf lífeyristöku sem er flýtt gilda sömu möguleikar til breytinga og giltu um upphaflega umsamið upphaf lífeyristöku, einkum tölul. 9.2 og 9.3.

(2) Frestun bóta

Við umsamið upphaf lífeyristöku má fara fram á að upphafi lífeyristöku verði frestað.

a) Forsendur

- →Hinn tryggði hefur náð að minnsta kosti 55 ára →reiknuðum aldri þegar upphaflega umsamin lífeyristaka hefst.
- →Hinn tryggði eða, í →félagatryggingum, →sérhver hinna tryggðu, er ekki kominn yfir 85 ára →reiknaðan aldur við nýja, frestaða upphaf lífeyristöku.

b) Áhrif

- Við frestun á upphafi lífeyristöku hækkar tryggður lífeyrir og tryggður höfuðstóll.

- Ef samið var um greiðslu höfuðstóls við andlát eftir upphaf lífeyristöku getur hún breyst.

Við reiknum greiðslurnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

c) Áhrif á aðra þætti

Við það að fresta upphafi lífeyristöku þáttarins Ellilífeyrir falla eftirfarandi umsömdu þættir niður við fyrra umsamda upphaf lífeyristöku:

- Höfuðstóll við andlát,
- Lífeyrir vegna óvinnufærni,
- Eftirlífendalífeyrir fyrir upphaf lífeyristöku og
- Höfuðstóll við andlát af slysförum.

Greiðslur annarra umsaminna þátta hækka í sama hlutfalli og tryggður lífeyrir. Við reiknum greiðslurnar samkvæmt grundvallarreglum tryggingafræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

d) Möguleikar við samningsgerð

- Í iðgjaldsskyldum tryggingum má greiða iðgjöldin áfram á →viðbótarbiðtímanum.
- Um nýja upphaf lífeyristöku sem var frestað og um viðbótarbiðtímann gilda sömu möguleikar til breytinga og giltu um upphaflega umsamið upphaf lífeyristöku og upphaflega umsaminna →viðbótarbiðtíma, einkum tölul. 9.2, 9.3 og 9.8.
- Eftir að upphafi lífeyristöku var frestað má flýta upphafi lífeyristöku á ný.
Efnislega er 1. mgr. í gildi.

e) Andlát hins tryggða á viðbótarbiðtíma

Ef →hinn tryggði andast á →viðbótarbítímanum gildir:

- Ef ekki var samið um þáttinn Eftirlífendalífeyrir frá upphafi lífeyristöku greiðum við fjárhæð sem nemur þeirri upphæð sem reiknast samkvæmt tölul. 8.2, reiknað undir lok viðkomandi tryggingartímabils og sem er afvöxtuð miðað við fyrsta dag næsta mánaðar eftir andlátsdag.
- Ef samið var um þáttinn Eftirlífendalífeyri frá upphafi lífeyristöku greiðum við eftirlífendalífeyri ef og svo lengi sem →hinn samtryggði er á lífi við andlát →hins tryggða. Hæð eftirlífendalífeyris reiknum við samkvæmt grundvallarreglum tryggingastærðfræðinnar út frá þeirri upphæð sem fæst samkvæmt tölul. 8.2, reiknað undir lok viðkomandi tryggingartímabils og hún afvöxtuð miðað við fyrsta dag næsta mánaðar eftir andlátsdag. Hæð eftirlífendalífeyris er auk þess háð aldri hins samtryggða á þeim tíma. Við reiknum bæturnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

f) Uppsögn tryggingarinnar á viðbótarbiðtímanum

Ef þú segir tryggingunni upp á →viðbótarbiðtímanum greiðum við upphæð sem reiknuð er samkvæmt tölul. 8.2.

g) Hlutdeild í hagnaði

Á →viðbótarbiðtímanum öðlastu líka hlutdeild í hagnaði í skilningi tölul. 2. →Présentuhlutir hagnaðarhlutdeildar tryggingarinnar geta verið frábrugðnir þeim présentuhlutum hagnaðarhlutdeildar sem tilgreindir eru fyrir undirflokk tryggingarinnar í ársskýrslu. Ef sérstakir →présentuhlutir hagnaðarhlutdeildar gilda um tryggingu þína greinum við þér frá því fyrir byrjun →viðbótarbiðtímans.

9.2 Hvenær má velja höfuðstól í stað lífeyris?

(1) Höfuðstólsgreiðsla við umsamið upphaf lífeyristöku

Í stað tryggðs lífeyris, sem við greiðum við lifun, má fara fram á útborgun tryggðs höfuðstóls að fullu eða að hluta við umsamið upphaf lífeyristöku.

a) Forsendur

- Skrifleg tilkynning þín þarf að berast okkur í síðasta lagi einum mánuði fyrir umsamið upphaf lífeyristöku.
- Ef greitt er út að hluta verður tryggður lífeyrir úr þeim hluta tryggðs höfuðstóls sem eftir er að nema að minnsta kosti 200 evrum á ári.
- Varðandi greiðslu höfuðstóls verður →hinn tryggði eða, í →félagatryggingum, sérhver hinna tryggðu, að vera á lífi við umsamið upphaf lífeyristöku.

b) Áhrif af útborgun tryggðs höfuðstóls að fullu

Með útborgun að fullu falla þættirnir Ellilífeyrir og umsaminn þáttur Eftirlifendalífeyrir frá upphafi lífeyristöku niður.

c) Áhrif af útborgun tryggðs höfuðstóls að hluta

- Við greiðum frá umsömdu upphafi lífeyristöku tryggðan lífeyri sem skerðist um það prósentuhlutfall sem samsvarar útborguðum hluta tryggða höfuðstólsins.
- Greiðsla úr umsömdum þætti Eftirlifendalífeyrir frá upphafi lífeyristöku skerðist einnig á sama hátt.
- Við reiknum greiðslurnar samkvæmt grundvallarreglum tryggingastærðfræðinnar.

Við upplýsum þig um áhrifin ef óskað er.

(2) Höfuðstólsgreiðsla eftir upphaf lífeyrisgreiðslu

Ef við greiðum nú þegar lífeyri og ef samið var um greiðslu höfuðstóls við andlát eftir upphaf lífeyristöku má á hvaða útborgunardegi sem er fá greiddan höfuðstól. Fyrir það tökum við vinnslugjald sem nemur 50 evrum.

a) Forsendur

Upphæð til útborgunar má, að teknu tilliti til 50 evra vinnslugjalds,

hvorki vera hærri en gjaldfallinn höfuðstóll við andlát miðað við útborgunarstund

- né hærri en reiknaður →bótahöfuðstóll tryggingarinnar miðað við útborgunarstund.

b) Áhrif

- Við skerðum tryggðan lífeyri úr þættinum Ellilífeyrir samkvæmt grundvallarreglum tryggingafræðinnar.
- Eftir greiðslu höfuðstóls heldur tryggingin áfram ef tryggður ellilífeyrir nemur að minnsta kosti 200 evrum á ári.
- Tryggingin fellur niður ef tryggður lífeyri sem eftir er nemur lægri upphæð en 200 evrum á ári. →Bótahöfuðstól sem eftir er greiðum við út, ef um slíkt er að ræða. Þá kemur til aukalegur frádráttur.
- Ef samið var um greiðslu höfuðstóls við andlát eftir upphaf lífeyristöku skerðist hún um sem nemur upphæð útborgaðs höfuðstóls.

Við upplýsum þig um áhrifin ef óskað er.

c) Áhrif á aðra þætti

Umsaminn tryggður eftirlifendalífeyrir og barnaumönnunarlífeyrir skerðast samkvæmt grundvallarreglum tryggingastærðfræðinnar.

Við upplýsum þig um áhrifin ef óskað er.

d) Sérákvæði við tímabundinn lífeyri

Ef þú valdir tímabundinn lífeyri samkvæmt tölul. 9.3 reiknum við þann höfuðstól sem greiða skal meðal annars út frá því hvernig fjármálamarkaðurinn hefur þróast frá upphafi lífeyristöku, en ekki lengra en 10 ár aftur í tímann. Við upplýsum þig um áhrifin ef óskað er.

(3) Höfuðstólsgreiðsla þegar upphafi lífeyristöku er flýtt

Ef þú kaust að flýta umsömdu upphafi lífeyristöku (1. mgr. tölul. 9.1) geturðu í stað tryggðs lífeyris farið fram á greiðslu höfuðstóls sem nemur upphæð sem reiknuð er samkvæmt tölul. 8.2 til 8.4.

a) Forsendur

- Samið var um þáttinn Höfuðstóll við andlát eða
- ef samið var um þáttinn Eftirlífendalífeyrir frá upphafi lífeyristöku, eða
- Endurgreiðsla iðgjalds-Plús samkvæmt 1. mgr. tölul. 1.2 eða
- endurgreiðslu iðgjalds samkvæmt 2. mgr. tölul. 1.2.
- Skrifleg tilkynning þín þarf að berast okkur í síðasta lagi einum mánuði fyrir nýja upphaf lífeyristöku.

b) Áhrif

Með útborgun höfuðstóls við upphaf lífeyristöku sem var flýtt falla allir þættir niður.

9.3 Hvenær má velja tímabundinn lífeyri í stað ævilangs lífeyris?

(1) Tímabundinn lífeyrir við umsamið upphaf lífeyristöku

Áður en til umsamins upphafs lífeyristöku kemur er hægt að fara fram á að við greiðum, í stað ævilangs tryggðs lífeyris samkvæmt tölul. 1.1, lífeyri í tiltekinn tíma (tímabundinn lífeyrir). Þú getur valið hversu lengi lífeyrir skuli greiddur.

Frá upphafi lífeyristöku greiðum við tryggðan tímabundinn lífeyri á meðan →hinn tryggði er á lífi, í hæsta lagi út umsamin lífeyrisgreiðslutíma.

(2) Forsendur

- Skrifleg tilkynning þín þarf að berast okkur í síðasta lagi einum mánuði fyrir umsamið upphaf lífeyristöku.
- Bæði val tímabundins lífeyris sem og lengd lífeyrisgreiðslutímans eru háð takmörkunum sem ráðast meðal annars af aldri →hins tryggða við upphaf lífeyristöku. Við upplýsum þig um skilyrðin ef óskað er.
- Hafi verið samið um →félagatryggingu verður að tilgreina hver →hinna tryggðu á í hlut varðandi tímabundinn lífeyri.

(3) Áhrif

- Upphæð tímabundins lífeyris reiknum við út miðað við →bótahöfuðstól tryggingarinnar að viðbættri hlutdeild í →matssjóðunum undir lok →biðtímans.
- Tímabundinn lífeyri reiknum við samkvæmt grundvallarreglum tryggingafræðinnar og miðum þá við þær reglur og reikniforsendur sem gert er ráð fyrir við nýja samninga um tímabundinn lífeyri við upphaf lífeyristöku.
- Upphæð samtryggðrar greiðslu höfuðstóls við andlát eftir upphaf lífeyristöku getur tekið breytingum.
- Greiðslur við andlát eftir upphaf lífeyristöku geta breyst samkvæmt tölul. 9.4.

Við upplýsum þig um áhrifin ef óskað er.

(4) Áhrif á aðra þætti

Ef samið var um þáttinn Eftirlífendalífeyrir frá upphafi lífeyristöku fellur hann niður við upphaf lífeyrisgreiðslna úr þættinum Ellilífeyrir.

(5) Hlutdeild í hagnaði

Á meðan tímabundinn lífeyrir er greiddur öðlast þú líka hlutdeild í hagnaði í skilningi tölul. 2. →Prósentuhlutir hagnaðarhlutdeildar tryggingarinnar geta verið frábrugðnir þeim prósentuhlutum hagnaðarhlutdeildar sem tilgreindir eru fyrir undirflokk tryggingarinnar í ársskýrslu. Ef sérstakir →prósentuhlutir hagnaðarhlutdeildar gilda um tryggingu þína greinum við þér frá því fyrir upphaf tímabundins lífeyris.

Í stað þeirra reglna í 3. mgr. tölul. 2.5 sem gilda um hlutdeild í hagnaði eftir að greiðsla lífeyris hefst, fjármögnum við samanlagðan hagnaðarlífeyri með árlegum hlutum þáttarins í hagnaði frá upphafi greiðslu tímabundins lífeyris, að teknu tilliti til umsýslukostnaðar. Samanlagður hagnaðarlífeyrir myndast með aukalegum iðgjaldsfríum tímabundnum lífeyri.

Samanlagðan hagnaðarlífeyri, sem ekki er hægt að tryggja, færð þú frá upphafi lífeyristöku, auk tryggðs tímabundins lífeyris frá upphafi lífeyristöku.

Breytist prósentuhlutir hagnaðarhlutdeildar getur það haft áhrif á greiðslur úr samanlögðum hagnaðarlífeyri. Þannig er bæði hækkun og skerðing samsetts hagnaðarlífeyris hugsanleg. Skerðing getur þó í mesta lagi farið niður í tryggðan tímabundinn lífeyri við upphaf lífeyristöku. Við tilkynnum þér um hæð ofangreinds aukalegs iðgjaldsfrís tímabundins lífeyris, bæði við upphaf töku tímabundna lífeyrisins og í hvert sinn sem breytingar verða.

Með hluta í lokahagnaði frá upphafi lífeyristöku samkvæmt 4. mgr. tölul. 2.5 fjármögnum við hækkun samanlagðs hagnaðarlífeyris, en hana er ekki hægt að tryggja.

Við upplýsum þig um áhrifin ef óskað er.

9.4 Hvenær má breyta bótagreiðslum við andlát eftir upphaf lífeyristöku?

(1) Breyting á höfuðstólsgreiðslu við andlát

Ef samið var um greiðslu höfuðstóls við andlát eftir upphaf lífeyristöku er við upphaf lífeyristöku hægt að fara fram á að greiðslan verði hækkuð eða lækkuð, án nýs áhættumats.

a) Mörk

Um mögulegar breytingar gilda takmörk sem ráðast m.a. af umsömdum aldri við upphaf lífeyristöku og af meðallíflíkum og ef um tímabundinn lífeyri samkvæmt tölul. 9.3 er að ræða auk þess af umsömdum lífeyrisgreiðslutíma.

Við veitum upplýsingar um hvaða kostir gilda um tryggingu þína ef óskað er.

b) Áhrif

- Ef greiðsla höfuðstóls við andlát er hækkuð kann að verða nauðsynlegt að greiða einstaka viðbótargreiðslu.
- Ef greiðsla höfuðstóls við andlát er lækkuð eða ef þú vilt ekki greiða nauðsynlega einstaka greiðslu breytast tryggður lífeyrir og umsaminn eftirlífendalífeyrir.
- Við reiknum greiðslurnar og viðbótarupphæðina samkvæmt grundvallarreglum tryggingafræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

(2) Eftirlífendalífeyri frá upphafi lífeyristöku bætt við

Ef ekki var samið um þáttinn Eftirlífendalífeyrir frá upphafi lífeyristöku má fara fram á að honum verði bætt við í lok →biðtímans. Áhættumat fer ekki fram.

a) Forsendur

- Nýi eftirlífendalífeyririnn er ekki hærri en tryggður lífeyrir úr þættinum Ellilífeyrir við upphaf lífeyristöku.
- Ekki var valinn tímabundin lífeyrir samkvæmt tölul. 9.3.

b) Áhrif

- Um nýja innifalda þáttinn gilda tryggingarskilmálar og reikniforsendur sem í gildi eru þegar þessi síðbúna viðbót á sér stað.
- Viðbótin getur valdið því að tryggður lífeyrir frá upphafi lífeyristöku lækki.
- Ef samið var um greiðslu höfuðstóls við andlát eftir upphaf lífeyristöku breytist hann.
- Við reiknum greiðslurnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

(3) Höfuðstóll við andlát eða þátturinn Eftirlífendalífeyrir frá upphafi lífeyristöku útilokaður

Ef samið var um höfuðstól við andlát eftir upphaf lífeyristöku eða um þáttinn Eftirlífendalífeyrir frá upphafi lífeyristöku má útiloka þá við upphaf lífeyristöku.

Í stað þess má fara fram á að greiddur verði sá tryggði höfuðstóll sem áunnist hefur við upphaf lífeyristöku, að frádregnum þeim heildar ellilífeyri sem þegar hefur verið greiddur samkvæmt 3. mgr. a) í tölul. 2.5 (að meðtöldum greiðslum úr hlutdeild í hagnaði).

(4) Frestir

Tilkynning þín varðandi breytingu samkvæmt 1. til 3. mgr. þarf að berast okkur í síðasta lagi einum mánuði fyrir umsamið upphaf lífeyristöku.

9.5 Hvenær á biðtímanum má bæta við eftirlífendalífeyri án áhættumats?

(1) Eftirlífendalífeyri fyrir upphaf lífeyristöku bætt við

Ef hvorki var samið um þáttinn Höfuðstóll við andlát né þáttinn Eftirlífendalífeyrir fyrir upphaf lífeyristöku er á →biðtímanum hægt að bæta öðrum þessara þátta - í →félagatryggingum reyndar aðeins þættinum Höfuðstóll við andlát - við þau tilvik sem tilgreind eru undir a), án áhættumats.

a) Hvenær viðbætur geta farið fram

- Fæðing barns →hins tryggða eða hinn tryggði ættleiðir ófullveðja einstakling,
- →Hinn tryggði byrjar sjálfstæðan atvinnurekstur, ef það krefst aðildar að fagfélagi eða ráði,
- →Hinn tryggði lýkur starfsmenntun eða byrjar í atvinnulífínu eða
- →Hinn tryggði tekur lán til að fjármagna fasteign til eigin nota að andvirði að minnsta kosti 100.000 evrum.

b) Forsendur

- →Viðbótarbiðtími tryggingarinnar er ekki hafinn.
- Innan 6 mánaða frá einhverjum ofangreindum atburði þarf að fara fram á að aukalegum þætti verði bætt við og færa okkur sönnur á þann atburð.
- →Hinn tryggði eða, í →félagatryggingum, →sérhver hinna tryggðu, er ekki kominn yfir 40 ára →reiknaðan aldur.
- →Hinn tryggði eða, í →félagatryggingum, →sérhver hinna tryggðu, er ekki óvinnufær.
- Við höfum til þessa samþykkt allar umsóknir um líftryggingu →hins tryggða eða, í →félagatryggingum, →sérhvers hinna tryggðu, með venjulegum skilmálum.

c) Mörk

Ef þátturinn Höfuðstóll við andlát á að bætast við,

- verður höfuðstóll við andlát að nema að minnsta kosti 100 prósentum af tryggðum höfuðstól til ellilífeyris,
- má höfuðstóll við andlát nema að hámarki 50.000 evrum.

Ef þátturinn Höfuðstóll við andlát á að bætast við,

- verður eftirlífendalífeyrir fyrir upphaf lífeyristöku að nema að minnsta kosti 20 prósentum af tryggðum höfuðstól til ellilífeyris,
- má þessi eftirlífendalífeyrir nema í hæsta lagi 60 prósentum af tryggðum höfuðstól til ellilífeyris,
- má tryggður lífeyrir til framfærslu eftirlífenda nema 6.000 evrum á ári að hámarki.

d) Áhrif

- Um nýja innifalda þáttinn gilda tryggingarskilmálar og reikniforsendur sem í gildi eru þegar þessi síðbúna viðbót á sér stað.
- Við þessar viðbætur fellur umsamin Iðgjaldsendurgreiðsla-Plús niður samkvæmt 1. mgr. tölul. 1.2 eða endurgreiðsla iðgjalds samkvæmt 2. mgr. tölul. 1.2.
- Við reiknum greiðslurnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

(2) Eftirlifendalífeyri frá upphafi lífeyristöku bætt við

Ásamt þættinum Eftirlifendalífeyrir fyrir upphaf lífeyristöku samkvæmt 1. mgr. má bæta við þættinum Eftirlifendalífeyrir frá upphafi lífeyristöku. Þessum þætti er einnig hægt að bæta við eftirá, hafi áður verið samið um þáttinn Eftirlifendalífeyrir fyrir upphaf lífeyristöku.

a) Forsendur

- Nýi eftirlifendalífeyririnn frá upphafi lífeyristöku, sem semja skal um, er hvorki hærri en eftirlifendalífeyrir fyrir upphaf lífeyristöku né tryggður lífeyrir úr þættinum Ellilífeyrir.
- Ekki var valinn tímabundin lífeyrir samkvæmt tölul. 9.3.

b) Áhrif

- Um nýja innifalda þáttinn gilda tryggingarskilmálar og reikniforsendur sem í gildi eru þegar þessi síðbúna viðbót á sér stað.
- Við reiknum greiðslurnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

9.6 Hvenær má bæta við tryggingarvernd í umönnunartilfelli?

Þú getur farið fram á að við upphaf lífeyristöku verði tryggingarvernd fyrir umönnunartilfelli bætt við trygginguna. Við framkvæmum ekki áhættumat.

(1) Forsendur

- Skrifleg tilkynning þín þarf að berast okkur í síðasta lagi einum mánuði fyrir umsamið upphaf lífeyristöku.
- Ekki var valinn tímabundin lífeyrir samkvæmt tölul. 9.3.
- Auk þess eru í gildi frekari skilyrði sem við upplýsum þig fúslega um ef óskað er.

(2) Áhrif

- Hér ráða tryggingarskilmálar og reikniforsendur sem í gildi eru þegar þessi síðbúna viðbót á sér stað.
- Tryggðar greiðslur geta breyst.
- Við reiknum greiðslurnar samkvæmt grundvallarreglum tryggingastærðfræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

9.7 Hvenær má greiða viðbótargreiðslur?

(1) Viðbótargreiðslur fyrir upphaf lífeyristöku

Hægt er að inna af hendi viðbótargreiðslur hvenær sem er fyrir upphaf lífeyristöku. Við framkvæmum ekki áhættumat.

a) Forsendur

- Hver einstök viðbótargreiðsla skal nema að minnsta kosti 1.000 evrum.

- Heildarupphæð viðbótargreiðslna á einu tryggingarári má í hæsta lagi nema 20.000 evrum.
- →Viðbótarbiðtími tryggingarinnar er ekki hafinn.

b) Frekari forsendur

Ef samið var um þáttinn Höfuðstóll við andlát gildir auk þess:

- Heildarupphæð viðbótargreiðslna á einu tryggingarári má ekki vera hærri en heildarupphæð umsaminna iðgjalda á einu tryggingarári.
- Höfuðstóll við andlát úr öllum líftryggingarsamningum sama →tryggða einstaklings hjá Allianz Lebensversicherungs-AG, að viðbætti viðbótargreiðslu, má ekki vera hærri en 250.000 evrur. Við þessi mörk verður bæði tekið tillit til alls höfuðstóls við andlát sem greiddur verður út í einu lagi sem og til alls höfuðstóls við andlát sem myndar grundvöll lífeyris úr höfuðstól við andlát.

c) Áhrif

- Við viðbótargreiðslu hækkar lífeyrir úr þættinum Ellilífeyrir.
- Ef samið var um Endurgreiðslu iðgjalds-Plús samkvæmt 1. mgr. tölul. 1.2 hækka greidd iðgjöld fyrir þáttinn Ellilífeyrir, sem við höfum til hliðsjónar við útreikning bóta við andlát, um viðbótargreiðsluna.
- Ef samið var um endurgreiðslu iðgjalds samkvæmt 2. mgr. tölul. 1.2 hækkar hún um viðbótargreiðsluna.

d) Áhrif á aðra þætti

- Ef samið var um þáttinn Höfuðstóll við andlát hækkar höfuðstóll hans við andlát um sömu upphæð og tryggður höfuðstóll við lifun.
- Ef samið var um þáttinn Eftirlífendalífeyrir fyrir upphaf lífeyristöku hækkar þessi eftirlífendalífeyrir í sama hlutfalli og lífeyrir úr þættinum Ellilífeyrir, en þó í mesta lagi um 3 prósent á ári af samtölu viðbótargreiðslna hvers tryggingarárs.
- Ef samið var um þáttinn Eftirlífendalífeyrir frá upphafi lífeyristöku hækkar þessi lífeyrir í sama hlutfalli og lífeyrir úr þættinum Ellilífeyrir.
- Ef samið var um enn frekari þætti hækka greiðslur úr þeim ekki við viðbótargreiðslu.
- Hið breytta hlutfall greiðslna úr umsömdum þáttum gagnvart ellilífeyri vegna viðbótargreiðslna ræður mestu um greiðslur úr gjaldskrárbónusnum (1. mgr. b) í tölul. 2.5).

(2) Reiknigrundvöllur fyrir hækkun greiðslna

Viðbótargreiðslu er ráðstafað sem einstöku iðgjaldi til hækkunar á bótagreiðslum. Hækkaða bótagreiðslan er reiknuð út frá samningsgildum á hækkunardegi, einkum út frá

- →reiknuðum aldri →hins tryggða eða, í →félagatryggingum, allra hinna tryggðu,
- því sem eftir er af →biðtímanum,
- iðgjaldsálagi sem hugsanlega var samið um.

- Við reiknum greiðslurnar samkvæmt grundvallarreglum tryggingastærðfræðinnar. Í þeim efnunum gilda reglur samkvæmt 2. mgr. tölul. 1.4.

Samningsgerðar- og sölukostnað, sem og iðgjaldstengdan umsýslukostnað, fjármögnum við tafarlaust með viðbótargreiðslunni samkvæmt síðustu setningu 6. tölul.

(3) Dagsetning hækkunar

Hækkunardagur allra greiðslna er fyrsti dagur mánaðarins þegar okkur berst viðbótargreiðslan eða fyrsti dagur næsta mánaðar ef samið var um þáttinn Höfuðstóll við andlát.

9.8 Hvenær má taka höfuðstól úr tryggingunni?

Þú getur tekið höfuðstól úr tryggingunni á →biðtímanum. Fyrir það tókum við vinnslugjald sem nemur 15 evrum.

(1) Skilyrði

- Ekkert tryggingarskírteinislán má vera fyrir hendi.
- Taka verður út að minnsta kosti 1.000 evrur.
- Sú upphæð tryggingarinnar sem eftir stendur og reiknuð er samkvæmt tölul. 8.2 til 8.5 verður að nema að minnsta kosti 1.000 evrum eftir úttekt og að teknu tilliti til vinnslugjalds.

(2) Áhrif

- Greiðslutímabil og hæð þeirra iðgjalda sem greiða ber breytast ekki við úttekt.
- Tryggðar greiðslur skerðast samkvæmt grundvallarreglum tryggingafræðinnar.
- Ef ekki var samið um þáttinn Höfuðstóll við andlát og ef ekki var samið um Endurgreiðslu iðgjalds-Plús samkvæmt 1. mgr. tölul. 1.2 en þó samið um þáttinn Eftirlifendalífeyrir fyrir upphaf lífeyristöku eða endurgreiðslu iðgjalds samkvæmt 2. mgr. tölul. 1.2, fer fram frekari frádráttur.

Við upplýsum þig um áhrifin ef óskað er.

9.9 Hvenær má breyta iðgjaldatímanum?

(1) Stytting iðgjaldatímans

Ef iðgjöld af tryggingunni eru greidd með reglubundnum hætti má fara fram á að iðgjaldatími verði stytur um heil ár.

a) Forsendur

Ekki var samið um þáttinn Höfuðstóll við andlát með greiðslu sem er lægri en tryggður höfuðstóll til ellilífeyris.

b) Áhrif

- Ef tryggður lífeyrir eða tryggður höfuðstóll eiga að haldast óbreyttir þarf að greiða hærri reglubundin iðgjöld.
- Ef reglubundið iðgjald á að haldast óbreytt, lækkar tryggður lífeyrir og tryggður höfuðstóll.
- Ef bæði reglubundið iðgjald og tryggður lífeyrir eða tryggður höfuðstóll eiga að haldast óbreytt, má ná því fram með viðbótargreiðslu.
- Nýja iðgjaldið, nýi tryggði lífeyrinn, nýi tryggði höfuðstóllinn og viðbótargreiðslan eru reiknuð út samkvæmt grundvallarreglum tryggingafræðinnar.

c) Áhrif á aðra þætti

Ef reglubundið iðgjald á að haldast óbreytt, skerðast greiðslur annarra umsaminna þátta í sama hlutfalli og tryggður lífeyrir.

(2) Lenging iðgjaldatímans

Ef iðgjaldatími tryggingarinnar er styttri en →biðtíminn og þú greiðir reglubundin iðgjöld, má fara fram á það einu sinni að iðgjaldatími verði lengdur um allt að 5 ár.

Framlengingin gerist í beinu framhaldi af því að upphaflegum iðgjaldatíma lýkur, en fer þó ekki fram yfir umsamin lok →biðtíma.

a) Forsendur

- Þegar framlenging tekur gildi þyrfti →hinn tryggði eða, í →félagatryggingum, sérhver hinna tryggðu, að geta samið við okkur um nýja sambærilega tryggingu án örðugri skilmála.
- →Hinn tryggði eða, í →félagatryggingum, sérhver hinna tryggðu, má ekki hafa náð 50 ára →reiknuðum aldri við upphaflega umsamin lok iðgjaldatíma.

b) Áhrif

- Við lenginguna hækka tryggður lífeyrir og tryggður höfuðstóll við lifun frá upphaflegum lokum iðgjaldatíma.
- Aðrar umsamin greiðslur hækka í sama hlutfalli og tryggður lífeyrir.

- Nýi tryggð lífeyririnn, nýi tryggð höfuðstóllinn og greiðslur úr öðrum þáttum eru reiknuð út samkvæmt grundvallarreglum tryggingafræðinnar. Í þeim efnum gilda reglur samkvæmt 2. mgr. tölul. 1.4.

Við upplýsum þig um áhrifin ef óskað er.

9.10 Hvenær má lækka eða fresta iðgjaldsgreiðslum í atvinnuleysi eða í skertu starfi í foreldraorlof eða meðan á faglegri starfsendurmenntun stendur?

(1) Atvinnuleysi eða hlutastarf

a) Greiðslu iðgjalds frestað

Hafi samningurinn þegar verið við lýði í 3 ár má fara fram á frestun greiðslu framhaldsiðgjalda ef þú verður atvinnulaus eða ert í hlutastarfi. Við frestum iðgjaldagreiðslunum svo lengi sem þú ert atvinnulaus en þó ekki lengur en 1 ár. Ef starfshlutfall skerðist frestum við greiðslu iðgjalda meðan þú ert í hlutastarfi, en þó ekki lengur en í 2 ár. Meðan á gjaldfrestinum stendur helst tryggingarverndin að fullu.

Ef þú ert oft atvinnulaus eða í hlutastarfi má fresta greiðslu iðgjalda á ný í hvert sinn. Greiðslu iðgjalda frestum við í hæsta lagi í 24 mánuði á öllum samningstímanum vegna atvinnuleysis. Greiðslu iðgjalda er í mesta lagi hægt að fresta tvisvar á öllum samningstímanum vegna skerts starfshlutfalls.

b) Sönnun fyrir atvinnuleysi eða hlutastarfi

Ef farið er fram á frestun á greiðslu iðgjalda vegna atvinnuleysis eða hlutastarfs þarf að sanna það fyrir okkur með vottorði frá viðkomandi vinnumálastofu.

Það þarf að tilkynna okkur tafarlaust þegar atvinnuleysi lýkur eða þegar hlutastarfi lýkur.

c) Frestuð iðgjöld greidd

Þegar gjaldfrestinum lýkur skal greiða í einu lagi þau iðgjöld sem frestað var.

(2) Foreldraorlof

Meðan á foreldraorlofi stendur má lækka iðgjöld (hlutagreiðsla iðgjalds) tímabundið að hámarki í 3 ár ef iðgjöld vegna samningsins hafa verið greidd í að minnsta kosti eitt ár.

Hlutagreiðslu iðgjalds vegna foreldraorlofs er í mesta lagi hægt að nýta tvisvar á öllum samningstímanum.

Ef óskað er veitum við upplýsingar um aðrar forsendur og áhrif.

(3) Starfsendurmenntun

Meðan á starfsendurmenntun stendur (t.d. í mastersnámi) má lækka iðgjöld tímabundið meðan á framhaldsnámi stendur, að hámarki í 3 ár (hlutagreiðsla iðgjalds), ef iðgjöld vegna samningsins hafa verið greidd í að minnsta kosti í eitt ár.

Hlutagreiðslu iðgjalds vegna starfsendurmenntunar er aðeins hægt að nýta einu sinni á öllum samningstímanum.

Ef óskað er veitum við upplýsingar um aðrar forsendur og áhrif.

Þátturinn Eftirlifendalífeyrir - Höfuðstóll við andlát E627

Hér er að finna reglur þáttarins Höfuðstól við andlát. Hér er einnig að finna ítarlegri reglur um hlutdeild í hagnaði og reglur um tengsl einstakra þátta innbyrðis.

Reglur um Grunnþáttinn sem og reglur B og C hluta tryggingarskilmálanna gilda einnig um þáttinn Höfuðstóll við andlát ef annað er ekki tekið fram hér á eftir.

Forsendur bótagreiðslna og umfang bóta

Í þessum hluta er fjallað um:

1.1 Hvaða bætur greiðum við?

1.2 Hvaða reikniforsendur gilda um þáttinn Höfuðstóll við andlát?

1.1 Hvaða bætur greiðum við?

Ef hinn tryggði andast á tryggingartíma þáttarins Höfuðstóll við andlát, þá greiðum við Tryggðan höfuðstól eins og um var samið í því tilviki.

Ef samið var um félagatryggingu gildir:

- Við greiðum umsaminn tryggðan höfuðstól við andlát þess hinna tryggðu sem fyrstur fellur frá.
- Ef fleiri en einn hinna tryggðu falla frá samtímis greiðum við tryggðan höfuðstól aðeins einu sinni.

1.2 Hvaða reikniforsendur gilda um þáttinn Höfuðstóll við andlát?

(1) Reikniforsendur við gerð samnings um þáttinn Höfuðstóll við andlát

Við gerð samningsins um þáttinn Höfuðstóll við andlát notum við eftirfarandi reikniforsendur við útreikning á tryggðum greiðslum:

- dánartíðnitöflu okkar „AZ 2012 T U“ og
- reiknivextina 1,75 prósent.

Ef samið var um grunnþáttinn Ellilífeyrir gegn iðgjaldseingreiðslu eða iðgjaldsgreiðslutíma sem nemur allt að 5 árum eða með skemmri biðtíma en 10 ár getum við um tiltekið skeið reiknað tryggðar bætur samkvæmt tölulíð 1.1 með öðrum reiknivöxtum sem ráðast af vaxtaaðstæðum á fjármálamarkaðnum.

Hæð þessara annarra reiknivaxta sem og tímabilið sem þeim er beitt á má finna í tryggingargögnunum undir fyrirsögninni „Hvaða reiknivextir gilda um trygginguna?“.

(2) Reikniforsendur þegar bætur hækka og í öðrum tilvikum

Þegar bótagreiðslur hækka (til dæmis vegna hluta í hagnaði) beitum við, við útreikning á viðbótargreiðslum, ávallt þeim reikniforsendum sem lagðar voru til grundvallar við gerð samningsins um þáttinn Höfuðstóll við andlát.

Ef aðrar reikniforsendur en þær sem lágu til grundvallar við samningsgerð eru í gildi á hækkunardegi og snerta útreikning á bótasjóði í nýjum sambærilegum tryggingum, vegna ákvarðana eftirlitsyfirvalda og/eða opinberra yfirlýsinga Þýska tryggingafræðingafélagsins (DAV), getum við sömu leiðis lagt þær til grundvallar við hækkan bótagreiðslna. Ef gildandi reikniforsendur fyrir útreikning á bótasjóði breytast á ný, eftir hækkan bóta, getum við við síðari hækkan bóta beitt nýju reikniforsendum eða lagt áfram til grundvallar þær reikniforsendur sem síðast við beitt.

Við greinum þér frá því ef við beitum öðrum reikniforsendum en við gerð samningsins um þáttinn Höfuðstóll við andlát eða við síðustu hækkan greiðslna.

Að undanskildum þeim tilvikum þegar bætur hækka gilda þessar reglur einnig þegar skilmerkilega er vísað til þeirra í viðkomandi köflum þessara tryggingarskilmála.

2. Ítarlegri reglur um hagnaðarhlutdeild

Í þessum hluta er fjallað um:

- 2.1 Hvernig stofnast hlutdeild í hagnaði?
 - 2.2 Hverjir eru reiknistuðlarnir fyrir hagnaðarhluti þáttarins Höfuðstóll við andlát?
 - 2.3 Hvernig er hagnaðarhlutum ráðstafað?
-

2.1 Hvernig stofnast hlutdeild í hagnaði?

(1) Hlutdeild í hagnaði

Þátturinn Höfuðstóll við andlát öðlast, í upphafi tryggingarárs, hlutdeild í þeim hagnaði sem náðist, allt eftir því í hvaða hóp áunnins hagnaðar tryggingunni var skipað, (árlegir hagnaðarhlutir). Til hvaða flokks tryggingarþáttur þinn telst má sjá í tryggingarupplýsingunum. Hæð árlegra hluta í hagnaði ræðst af viðkomandi prósentuhlutum í hagnaði hverju sinni.

(2) Hlutur í lokahagnaði

Auk árlegra hagnaðarhluta getur bæst við hlutur í lokahagnaði við lok þáttarins Höfuðstóll við andlát. Hæð þessa hlutar í lokahagnaði er ákvörðuð með tilliti til arðseminnar hverju sinni og þróunar dánartíðni.

(3) Hlutdeild í matssjóðunum

Matssjóðunum er deilt á samningana samkvæmt aðferð sem tekur mið af orsakarsamhengi. Þættinum Höfuðstóll við andlát falla engir eða aðeins smávægilegir matssjóðir í skaut. Iðgjaldahlutir þáttarins Höfuðstóll við andlát eru reiknaðir þannig að þeirra er þórf til að standa undir áhættu og kostnaði. Þar af leiðandi eru engar eða aðeins óverulegar fjárhæðir fyrir hendi til fjárfestinga sem nýta mætti til að byggja upp matssjóði.

2.2 Hverjir eru reiknistuðlarnir fyrir hagnaðarhluti þáttarins Höfuðstóll við andlát?

Reiknistuðlarnir ráðast einkum af

- aldri →hins tryggða eða, í →félagatryggingum, allra hinna tryggðu,
- umsömdum tryggingar- og biðtíma
- hæð umsamins tryggðs höfuðstóls við andlát.

Þeir eru fundnir samkvæmt grundvallarreglum tryggingastærðfræðinnar.

2.3 Hvernig er hagnaðarhlutum ráðstafað?

Við ráðstöfum árlegum hagnaðarhlutum þessa þáttar eins og reglur um Grunnþáttinn gera ráð fyrir í kaflanum „Greiðslur úr hagnaðarhlutdeild“, undirkaflanum „Hvernig er hagnaðarhlutum tryggingarinnar ráðstafað?“

Ef um hlut í lokahagnaði er að ræða samkvæmt 2. mgr. tölul. 2.1 hækkar hann hlut Grunnþáttarins í lokahagnaði.

3. Tengsl þáttarins Höfuðstóll við andlát við Grunnþáttinn

Í þessum hluta er fjallað um:

- 3.1 Í hvaða tilvikum fellur þátturinn Höfuðstóll við andlát niður þegar Grunnþættinum lýkur?
 - 3.2 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát?
 - 3.3 Hvaða áhrif hefur uppsögn tryggingarinnar á þáttinn Höfuðstóll við andlát?
-

3.1 Í hvaða tilvikum fellur þátturinn Höfuðstóll við andlát niður þegar Grunnþættinum lýkur?

Þátturinn höfuðstóll við andlát myndar eina heild ásamt Grunnþættinum; ekki er hægt að halda honum áfram án Grunnþáttarins. Þátturinn Höfuðstóll við andlát fellur þar af leiðandi niður í síðasta lagi þegar Grunnþættinum lýkur eða í síðasta lagi við töku lífeyris úr Grunnþættinum.

3.2 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát?

Ef tryggingin er gerð iðgjaldsfrí lækkum við bætunar samkvæmt viðurkenndum reglum tryggingastærðfræðinnar með reikniforsendum iðgjaldaútreiknings í lok tryggingartímabilsins. Þar leggjum við endurkaupvirði samkvæmt 1. mgr. tölul. 3.3 til grundvallar.

Iðgjaldsfrí tryggði höfuðstóllinn úr þættinum Höfuðstóll við andlát er, frá þeirri stundu þegar þátturinn er gerður iðgjaldsfrí, jafn hár iðgjaldsfría tryggða höfuðstól Grunnþáttarins.

3.3 Hvaða áhrif hefur uppsögn tryggingarinnar á þáttinn Höfuðstóll við andlát?

(1) Endurkaupvirði tryggingarinnar

Ef þú segir tryggingu upp, þá greiðum við endurkaupvirði tryggingarinnar – sé það fyrir hendi. Það er sett saman úr endurkaupvirði Grunnþáttarins og endurkaupvirði annarra umsaminna þátta. Ef endurkaupvirði þáttarins Höfuðstóll við andlát er neikvætt verður það gert upp á móti endurkaupvirði Grunnþáttarins.

Endurkaupvirði þáttarins Höfuðstóll við andlát er bótahöfuðstóll þáttarins (169. gr. laga um tryggingasamninga (VVG)) eins og hann reiknast samkvæmt viðurkenndum reglum tryggingafræðinnar þar sem lagðar eru til grundvallar iðgjaldareikniforsendur á uppsagnardegi.

(2) Frádráttur

Frá upphæðinni sem finnst samkvæmt 1. mgr. reiknum við frádrátt vegna grunnþáttarins og vegna frekari umsaminna þátta. Í tryggingarupplýsingunum er tilgreint hversu hár frádrátturinn er. Þar eru ástæður frádráttarins sömuleiðis útskýrðar.

Við teljum frádráttinn sanngjarnan. Við þurfum að gera grein fyrir þessu og sanna. En ef þú færir okkur síðan sönnur á að í þínu tilfelli eigi frádrátturinn alls ekki við eða eingöngu lægri upphæð, þá fellur frádrátturinn niður eða við lækkum hann – í síðara tilvikinu – að sama skapi.

(3) Hækkun útborgaðrar upphæðar um sem nemur einum hlut í lokahagnaði

Til viðbótar við upphæð sem reiknast samkvæmt 1. og 3. mgr. getur komið endurkaupvirði úr hlut í lokahagnaði (sjá 2. mgr. tölul. 2.1 og síðustu mgr. tölul. 2.3).

4. Möguleikar við samningsgerð

Hér er að finna fjölmarga samningsmöguleika tryggingarinnar. Þeir eru bundnir vissum skilyrðum. Ef tiltekinn samningsmöguleiki er valinn getur það haft áhrif á hæð tryggingargreiðslna.

Í þessum hluta er fjallað um:

- 4.1 Hvenær má hækka tryggðan höfuðstól við andlát án áhættumats?
- 4.2 Hvernig má lækka tryggðan höfuðstól við andlát?
- 4.3 Hvernig má útiloka þáttinn Höfuðstóll við andlát?

4.1 Hvenær má hækka tryggðan höfuðstól við andlát án áhættumats?

Ef samið var um þáttinn Höfuðstóll við andlát við samningsgerð má hækka umsaminna tryggðan höfuðstól við andlát án nýs áhættumats við þau tilefni sem um getur í 1. mgr.

(1) Tilefni hækkunar

a) Fæðing barns hins tryggða eða hinn tryggði ættleiðir ófullveðja einstakling;

B) Hinn tryggði hefur sjálfstæðan atvinnurekstur, svo framarlega sem sjálfstæði atvinnureksturinn krefst aðildar að fagfélagi eða ráði;

c) Hinn tryggði lýkur starfsmenntun eða byrjar þátttöku í atvinnulífínu;

d) Hinn tryggði tekur lán til kaupa á fasteign til eigin nota að upphæð að minnsta kosti 100.000 EUR;

e) Hinn tryggði gengur í hjónaband;

f) hinn tryggði verður fullveðja.

g) Þegar heil ár eru liðin frá upphafi tryggingarinnar, í fyrsta lagi 5 árum eftir samningsgerð eða síðustu hækkun tryggðs höfuðstóls við andlát.

(2) Forsendur

- Innan 6 mánaða frá einhverju ofangreindu tilefni þarf að fara fram á hækkunina og færa okkur sönnur á það tilefni. Ef um er að ræða tilefnið sem tilgreint er í 1. mgr. g) þarf samt að biðja um hækkunina að minnsta kosti sex mánuðum fyrir tilefnið.
- Hinn tryggði eða, í félagatryggingum, sérhver hinna tryggðu, er ekki kominn yfir 53 ára reiknaðan aldur.
- Hinn tryggði eða, í félagatryggingum, sérhver hinna tryggðu, er ekki óvinnufær.
- Ef um er að ræða tilefnið sem tilgreind eru í 1. mgr. a) til d) má hækkaði tryggði höfuðstóll við andlát ekki vera hærrí en tvöfaldur tryggði höfuðstóll til ellilífeyris úr Grunnþættinum. Ef til vill þarf um leið að hækka tryggðan höfuðstól til ellilífeyris það mikið að þetta skilyrði sé uppfyllt.
- Ef um er að ræða tilefni sem tilgreind eru í 1. mgr. e) til g) þarf tryggður höfuðstóll til ellilífeyris úr Grunnþættinum um leið að hækka að minnsta kosti í sama hlutfalli og tryggður höfuðstóll við andlát.
- Við upplýsum þig um skilyrðin ef óskað er.

(3) Takmarkanir

Um hækkun tryggðs höfuðstóls við andlát án nýs áhættumats gilda eftirfarandi takmarkanir:

- Tryggður höfuðstóll við andlát verður að hækka um að minnsta kosti 2.500 evrur.
- Tryggður höfuðstóll við andlát má í mesta lagi hækka um 25.000 evrur.
- Heildarupphæð margra hækkana má í hæsta lagi nema 50.000 evrum.

(4) Áhrif

Um útreikning hækkaðs tryggðs höfuðstóls við andlát gilda reglur samkvæmt 2. mgr. tölul. 1.2.

Við upplýsum þig um gildandi áhrif ef óskað er.

(5) Áhrif á aðra þætti

- Örorkulífeyrisþáttur er ekki hækkaður samtímis.
- Þáttinn Höfuðstól við andlát af slysförum er aðeins hægt að hækka um leið og tryggðan höfuðstól til ellilífeyris úr Grunnþættinum, og þá í sama hlutfalli.
- Um útreikning hækkaðs tryggðs höfuðstóls úr þættinum Höfuðstóll við andlát af slysförum gilda reglur þessa þáttar í liðnum „Forsendur bótagreiðslna og umfang bóta“, undirliðnum „Hvaða reikniforsendur gilda um þáttinn Höfuðstóll við andlát af slysförum?“, liður „Reikniforsendur þegar bætur hækka og í öðrum tilvikum“.

Við upplýsum þig um gildandi áhrif ef óskað er.

4.2 Hvemig má lækka tryggðan höfuðstól við andlát?

Það ræðst af umsömdum Grunnþætti hvort lækka megi tryggðan höfuðstól við andlát

- án takmarkana,
- eingöngu samtímis og í sama hlutfalli og tryggðan höfuðstól til ellilífeyris eða
- alls ekki.

Við upplýsum þig um forsendur og áhrifin ef óskað er.

4.3 Hvernig má útiloka þáttinn Höfuðstóll við andlát?

(1) Forsendur

Ef umsaminn Grunnþáttur gerir ráð fyrir hugsanlegri útilokun, má útiloka þáttinn Höfuðstóll við andlát. Slíkt á til dæmis ekki við ef samið var um félagatryggingu.

Við upplýsum þig um skilyrðin ef óskað er.

(2) Áhrif

Ef þátturinn Höfuðstóll við andlát er útilokaður kemur í stað fyrri Grunnþáttar Ellilífeyrir nýr Grunnþáttur Ellilífeyrir með svofelldum bótum:

- Ef hinn tryggði lifir lok umsamins tryggingar-/biðtíma greiðum við tryggðan lífeyri úr Grunnþættinum á meðan hinn tryggði er á lífi. Í stað lífeyris má einnig fara fram á greiðslu alls eða hluta tryggðs höfuðstóls til ellilífeyris við upphaf lífeyristöku.
- Ef hinn tryggði andast fyrir lok umsamins tryggingar-/biðtíma greiðum við bætur úr Grunnþættinum samkvæmt reglum Grunnþáttarins í liðnum „Forsendur bótagreiðslna og umfang bóta“, undirliðnum „Hvaða bætur greiðum við við andlát fyrir upphaf lífeyristöku?“, málsgrein „Bætur í umsaminni Endurgreiðslu iðgjalds-Plús“.

(3) Frekari áhrif

- Hæð umsamins tryggðs höfuðstóls til ellilífeyris til þessa samkvæmt Grunnþættinum breytist ekki.
- Við reiknum iðgjald nýja Grunnþáttarins Ellilífeyrir samkvæmt grundvallarreglum tryggingastærðfræðinnar. Þar gilda reglur Grunnþáttarins til þessa í liðnum „Forsendur bótagreiðslna og umfang bóta“, undirliðnum „Hvaða reikniforsendur gilda um trygginguna?“, málsgreininni „Reikniforsendur þegar bætur hækka og í öðrum tilvikum“.
- Ef í Grunnþættinum var til þessa eingöngu tryggður höfuðstóll við lifun og enginn tryggður ellilífeyrir, þá gilda um nýja Grunnþáttinn tryggingarskilmálar og reikniforsendur sem gert er ráð fyrir í bótum samkvæmt 2. mgr. þáttarins Höfuðstóll við andlát, á þeim tíma þegar gerður er nýr tryggingasamningur.

Við upplýsum þig um gildandi áhrif ef óskað er.

Hér er að finna reglur þáttarins Höfuðstóll við andlát af slysförum. Hér er einnig að finna ítarlegri reglur um hlutdeild í hagnaði og reglur um tengsl einstakra þátta innbyrðis.

Reglur um Grunnþáttinn sem og reglur B og C hluta tryggingarskilmálanna gilda einnig um þáttinn Höfuðstóll við andlát af slysförum ef annað er ekki tekið fram hér á eftir.

1. Forsendur bótagreiðslna og umfang bóta

Í þessum hluta er fjallað um:

- 1.1 Hvaða bætur greiðum við?**
- 1.2 Hvað er slys samkvæmt þessum skilmálum?**
- 1.3 Hvaða reikniforsendur gilda um þáttinn Höfuðstóll við andlát af slysförum?**

1.1 Hvaða bætur greiðum við?

Ef hinn tryggði andast af afleiðingum slyss greiðum við þann tryggða höfuðstóll sem um var samið fyrir slíkt tilvik. Forsendur fyrir því eru:

- Slysið átti sér stað eftir gildistöku þáttarins Höfuðstóll við andlát af slysförum og
- andlátið ber að höndum á tryggingartíma þáttarins Höfuðstóll við andlát af slysförum og innan eins árs frá því að slysið varð.

1.2 Hvað er slys samkvæmt þessum skilmálum?

Um slys er að ræða þegar hinn tryggði verður fyrir óvæntum og óæskilegum utanaðkomandi atburði (slysatilvik) sem líkamstjón hlýst af.

1.3 Hvaða reikniforsendur gilda um þáttinn Höfuðstóll við andlát af slysförum?

(1) Reikniforsendur við gerð samnings um þáttinn Höfuðstóll við andlát af slysförum

Við gerð samningsins um þáttinn Höfuðstóll við andlát af slysförum notum við eftirfarandi reikniforsendur við útreikning á tryggðum greiðslum:

- dánartíðnitöflu okkar „AZ 2012 T U“ og
- reiknivextina 1,75 prósent.

(2) Reikniforsendur þegar bætur hækka og í öðrum tilvikum

Þegar bótagreiðslur hækka (til dæmis vegna hluta í hagnaði) beitum við, við útreikning á viðbótargreiðslum, ávallt þeim reikniforsendum sem lagðar voru til grundvallar við gerð samningsins um þáttinn Höfuðstóll við andlát af slysförum.

Ef aðrar reikniforsendur en þær sem lágu til grundvallar við samningsgerð eru í gildi á hækkunardegi og snerta útreikning á bótasjóði í nýjum sambærilegum tryggingum, vegna ákvarðana eftirlitsyfirvalda og/eða opinberra yfirlýsinga Þýska tryggingafræðingafélagsins (DAV), getum við sömu leiðis lagt þær til grundvallar við hækkun bótagreiðslna. Ef gildandi reikniforsendur fyrir útreikning á bótasjóði breytast á ný, eftir hækkun bóta, getum við við síðari hækkun bóta beitt nýju reikniforsendum eða lagt áfram til grundvallar þær reikniforsendur sem síðast við beitt.

Við greinum þér frá því ef við beitum öðrum reikniforsendum en við gerð samningsins um þáttinn Höfuðstóll við andlát af slysförum eða við síðustu hækkun greiðslna.

Að undanskildum þeim tilvikum þegar greiðslur hækka gilda þessar reglur á sama hátt þegar skilmerkilega er vísað til þeirra í viðkomandi köflum þessara tryggingarskilmála.

2. Ítarlegri reglur um hagnaðarhlutdeild

Í þessum hluta er fjallað um:

2.1 Hvernig öðlast þú hlutdeild í hagnaði okkar?

2.2 Hver eru reiknivíðmið fyrir hagnaðarhluti þáttarins Höfuðstóll við andlát af slysförum?

2.3 Hvernig er hagnaðarhlutum ráðstafað?

2.1 Hvernig öðlast þú hlutdeild í hagnaði okkar?

(1) Hlutdeild í hagnaði

a) sérstök hlutdeild

Þátturinn Höfuðstóll við andlát af slysförum öðlast sérstaka hlutdeild í hagnaði

- ef greitt er eitt iðgjald eða
- ef greidd eru mishá iðgjöld.

Hlutdeild í áunnum hagnaði (árlegir hagnaðarhlutir) stofnast í upphafi tryggingarárs, allt eftir því í hvaða flokk þættinum Höfuðstóll við andlát af slysförum er skipað.

Til hvaða flokks tryggingarþáttur þinn telst má sjá í tryggingarupplýsingunum. Hæð árlegra hluta í hagnaði ræðst af viðkomandi prósentuhlutum í hagnaði hverju sinni.

b) engin sérstök hlutdeild

Þátturinn Höfuðstóll við andlát af slysförum öðlast ekki sérstaka hlutdeild í hagnaði ef

- greidd eru reglubundin iðgjöld eða ef
- við höfum leyst þig að fullu eða að hluta undan þeirri skyldu að greiða iðgjöld, vegna óvinnufærni hins tryggða.

(2) Hlutdeild í matssjóðunum

Matssjóðunum er deilt á samningana samkvæmt aðferð sem tekur mið af orsakarsamhengi. Þættinum Höfuðstóll við andlát falla engir eða aðeins smávægilegir matssjóðir í skaut. Iðgjaldahlutir þáttarins Höfuðstóll við andlát af slysförum eru reiknaðir þannig að þeirra er þörf til að standa undir áhættu og kostnaði. Þar af leiðandi eru engar eða aðeins óverulegar fjárhæðir fyrir hendi til fjárfestinga sem nýta mætti til að byggja upp matssjóði.

2.2 Hver eru reiknivíðmið fyrir hagnaðarhluti þáttarins Höfuðstóll við andlát af slysförum?

Reiknistuðlarnir ráðast einkum af

- aldri hins tryggða,
- umsömdum tryggingartíma,
- þeim tryggingartíma sem þegar er liðinn og
- hæð umsamins tryggðs höfuðstóls.

Þeir eru fundnir samkvæmt grundvallarreglum tryggingastærðfræðinnar.

2.3 Hvemig er hagnaðarhlutum ráðstafað?

Við ráðstöfum árlegum hagnaðarhlutum þessa þáttar eins og reglur um Grunnþáttinn gera ráð fyrir í kaflanum „Greiðslur úr hagnaðarhlutdeild“, undirkaflanum „Hvemig er hagnaðarhlutum tryggingarinnar ráðstafað?“

3. Takmarkanir bóta og útilokanir frá bótum

Í þessum hluta er fjallað um:

- 3.1 Hverjar eru grundvallarreglur bótaskylda okkar?
- 3.2 Í hvaða tilvikum er bótaskylda okkar takmörkuð?
- 3.3 Í hvaða tilvikum er bótaskylda okkar útilokuð?

3.1 Hverjar eru grundvallarreglur bótaskylda okkar?

Í grundvallaratriðum greiðum við bætur óháð því hvemig slysið vildi til.

3.2 Í hvaða tilvikum er bótaskylda okkar takmörkuð?

Ef andlátíð orsakaðist, auk slyssins, af völdum veikinda eða langvarandi heilsubrests að 25 hundraðshlutum eða meira, lækkar greiðsluskylda okkar sem þeim hluta nemur.

3.3 Í hvaða tilvikum er bótaskylda okkar útilokuð?

(1) Útilokanir frá bótum ef slys verður

Við greiðum ekki bætur ef slys verður

a) sem rekja má til geð- eða vitundartruflana, og líka að svo miklu leyti sem rekja má þessar truflanir til ölvunar, sem og til heilablóðfalls, flogakasts eða annarra krampakasta sem grípa allan líkama hins tryggða.

Við greiðum þó óskertar bætur ef þessar truflanir eða köst hlutust af slysatilvikum sem fellur undir þessa tryggingu.

b) vegna þess að hinn tryggði fremur glæp eða afbrot af ráðnum hug eða gerir refsiverða tilraun til þess;

c) vegna óeirða innanlands, ef hinn tryggði hefur tekið þátt í þeim sem fylgjandi þeirra er stofnuðu til óeirðanna;

d) beint eða óbeint sem afleiðing af stríðsátökum.

Við greiðum þó óskertar bætur ef hinn tryggði andast meðan á dvöl hans stendur utan Þýskalands í beinum eða óbeinum tengslum við stríðsátök sem hann tók ekki virkan þátt í.

e) vegna

- starfa hins tryggða sem stjórnandi lofffars (einnig flugíþróttatækis) ef hann þarf til þess leyfi samkvæmt þýskum lögum,
- og starfa sem annar í áhöfn lofffars,
- við starf sem vinna þarf með hjálp lofffars eða
- við notkun geimfara.

beint eða óbeint vegna kjarnorku.

beint eða óbeint í tengslum við

- vísitandi beitingu kjarna-, líffræðilegra- eða kemískra vopna (kjarna-, sýkla- eða efnavopna, (ABC-vopna) eða
- vísitandi beitingu eða vísitandi losun geislavirkra, líffræðilegra- eða kemískra efna, ef beiting eða losun miðaði að því að stofna lífi fjölda fólks í hættu.

Við greiðum þó óskertar bætur í tilvikum f) og g) ef um afmarkaðan atburð í tíma og rúmi er að ræða, þar sem ekki látast fleiri en 1.000 manns beint eða fyrirsjáanlega óbeint innan fimm ára frá atburðinum eða muni hljóta varanlegt alvarlegt heilsutjón. Við munum innan sex mánaða frá atvikinu fela óháðum matsmanni að kanna, og ef við á staðfesta, forsendur fyrir óskertri greiðsluskyldu. Kröfur um óskertar tryggingagreiðslur gjaldfalla ekki fyrr en að þeim fresti liðnum.

Slys sem afleiðingar sálrænna viðbragða, óháð því hvernig þau eru til komin.

(2) Útilokanir frá bótum í öðrum tilvikum

Við greiðum heldur ekki ef um er að ræða

a) heilsutjón vegna geislunar. Við greiðum þó óskertar bætur ef um er að ræða afleiðingar slysatilviks sem fellur undir þennan þátt.

b) heilsutjón vegna lækningaráðstafana eða inngrip eða aðgerðir í öðrum tilgangi sem hinn tryggði framkvæmir eða lætur framkvæma á líkama sínum.

Við greiðum þó óskertar bætur ef til þessara inngripa eða lækningaráðstafana, þar með taldar geislagreiningar eða geislalækningar, er stofnað vegna slysatilviks sem fellur undir þennan þátt.

c) sýkingar.

Við greiðum þó óskertar bætur ef sóttkveikjurnar komust inn í líkamann vegna meins af völdum slysatilviks sem fellur undir þennan þátt. Sem mein af völdum slyss teljast ekki

- húð- og slímhúðarskemmdir sem eru smávægilegar í eðli sínu og sem sóttkveikjurnar komast strax eða síðar inn í líkamann um.
- sýkingar sem hljótast af lækningaráðstöfunum.

Þessar takmarkanir eiga ekki við um hundæði og stífkrampa.

d) eitranir vegna inntöku fastra eða fljótandi efna um kokið.

Við greiðum þó óskertar bætur ef um er að ræða afleiðingar slysatilviks sem fellur undir þennan þátt.

e) sjálfsvíg af ráðnum hug.

Þetta gildir einnig þó svo að hinn tryggði hafi framið verknaðinn í sjúklegu geðtruflunarástandi sem útilokaði frjálsa viljaákvörðun.

Við greiðum þó óskertar bætur ef þetta ástand orsakast af slysatilviki sem fellur undir þennan þátt.

4. Sérstakar samstarfsskyldur þínar

Auk þeirra samstarfsskyldna sem taldar eru upp hér á eftir gilda einnig þær samstarfsskyldur Grunnþáttarins sem gilda um alla þætti og tilgreindar eru í kaflanum „Samstarfsskyldur þínar“.

Í þessum hluta er fjallað um:

4.1 Hvað þarf að hafa í huga þannig að lagaleg réttindi glatist ekki eftir andlát hins tryggða af slysförum?

4.2 Hverjar eru afleiðingar þess að brjóta gegn samstarfsskyldu?

4.1 Hvað þarf að hafa í huga þannig að lagaleg réttindi glatist ekki eftir andlát hins tryggða af slysförum?

(1) Tilkynningarskylda

Tilkynna verður okkur tafarlaust um andlát hins tryggða af slysförum – helst innan 48 klukkustunda.

(2) Samstarf við greiningu á greiðsluskyldu

Til að skera úr um greiðsluskyldu okkar getum við farið fram á frekari nauðsynlegar sannanir og upplýsingar. Veita ber okkur rétt til þess að láta lækni í umboði okkar framkvæma skoðun eða krufningu ef þurfa þykir.

Verði okkur neitað um heimild til krufningar erum við leyst undan greiðsluskyldunni. Þetta á þó ekki við ef neitunin hefur engin áhrif á ákvörðun eða umfang greiðsluskyldu okkar.

4.2 Hverjar eru afleiðingar þess að brjóta gegn samstarfsskyldu?

Greiðslurnar gjaldfalla þegar við höfum lokið nauðsynlegri gagnaöflun í því skyni að leggja mat á tryggingartilvikið og umfang greiðslna. Ef þú rækir ekki einhverja af þeim skyldum sem tilgreindar eru í þessum kafla getur það leitt til þess að við náum ekki að leggja mat á hvort eða að hve miklu leyti við erum bótaskyld. Brot gegn samstarfsskyldu getur þannig leitt til þess að greiðslur gjaldfalla ekki.

5. Yfirlýsing vegna bótaskyldu okkar

Hvenær gefum við út yfirlýsingu um bótaskyldu okkar?

Veita verður okkur nauðsynleg sönnunargögn um tildrög slyssins og afleiðingar slyssins svo ákvarða megi greiðsluskylduna. Auk þess er okkur heimilt að afla sjálf nauðsynlegra gagna.

Þegar okkur hafa borist öll nauðsynleg sönnunargögn og að lokinni nauðsynlegri gagnaöflun tilkynnum við í síðasta lagi að fjórum vikum liðnum skriflega (til dæmis bréflega, í símbrefi, tölvupósti) hvort við greiðum bætur og þá hversu miklar.

6. Tengsl þáttarins Höfuðstóll við andlát af slysförum við grunnþáttinn.

Í þessum hluta er fjallað um:

6.1 Í hvaða tilvikum fellur þátturinn Höfuðstóll við andlát af slysförum niður þegar Grunnþættinum lýkur?

6.2 Hvaða áhrif hefur það á þáttinn Höfuðstóll við andlát af slysförum að lækka iðgjaldið fyrir Grunnþáttinn?

6.3 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát af slysförum?

- 6.4 Hvernig er hægt að hækka á ný eða endurvekja tryggingarvernd þáttarins Höfuðstóll við andlát af slysförum eftir lækkun iðgjalds eða undanþágu frá greiðslu iðgjalds?**
- 6.5 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát af slysförum?**

6.1 Í hvaða tilvikum fellur þátturinn Höfuðstóll við andlát af slysförum niður þegar Grunnþættinum lýkur?

(1) Tengsl við Grunnþáttinn

Þátturinn höfuðstóll við andlát myndar eina heild ásamt Grunnþættinum; ekki er hægt að halda honum áfram án Grunnþáttarins. Þátturinn Höfuðstóll við andlát fellur þar af leiðandi niður í síðasta lagi þegar Grunnþættinum lýkur eða í síðasta lagi við töku lífeyris úr Grunnþættinum.

Ef greidd eru reglubundin iðgjöld og ef umsamin iðgjaldsgreiðslutími Grunnþáttarins er styttri en tryggingar- eða biðtíminn, þá lýkur þættinum Höfuðstóll við andlát af slysförum í lok umsamins iðgjaldsgreiðslutíma.

(2) Tryggingarvernd heldur áfram við óvinnufæmi

Ef samið var um þáttinn Lífeyrir vegna óvinnufærni og ef við höfum, að fullu eða að hluta, leyst þig undan þeirri skyldu að greiða iðgjöld vegna þess að hinn tryggði er óvinnufær, þá heldur þátturinn Höfuðstóll við andlát af slysförum áfram.

6.2 Hvaða áhrif hefur það á þáttinn Höfuðstóll við andlát af slysförum að lækka iðgjaldið fyrir Grunnþáttinn?

Ef greidd eru reglubundin iðgjöld fyrir Grunnþáttinn og ef iðgjald fyrir Grunnþáttinn er lækkað skerðast greiðslur úr Grunnþættinum. Þar af leiðandi skerðist líka tryggingarvernd þáttarins Höfuðstóll við andlát af slysförum samkvæmt viðurkenndum aðferðum tryggingafræðinnar. Skerti tryggði höfuðstóll þáttarins Höfuðstóll við andlát af slysförum samsvarar þá þeim hluta Grunnþáttarins sem lækkaða iðgjaldið er greitt fyrir framvegis.

6.3 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát af slysförum?

Ef tryggingin er gerð iðgjaldsfrí fellur þátturinn Höfuðstóll við andlát af slysförum úr gildi.

6.4 Hvernig er hægt að hækka á ný eða endurvekja tryggingarvernd þáttarins Höfuðstóll við andlát af slysförum eftir lækkun iðgjalds eða undanþágu frá greiðslu iðgjalds?

Ef greiðsla úr Grunnþættinum og þar með tryggingarverndin úr þættinum Höfuðstóll við andlát af slysförum skerðist sökum þess að iðgjald lækkar eða vegna undanþágu frá greiðslu iðgjalds (tölul. 6.2) eða ef þátturinn fellur úr gildi (tölul. 6.3) má fara fram á að þessi tryggingarvernd hækki eða verði endurvakin gegn greiðslu einstaks iðgjalds. Forsendur fyrir því eru:

- Beiðnin þarf að berast okkur innan sex mánaða frá lækkun eða frá því að iðgjaldsundanþága var veitt.
- Hlutfallið milli bóta úr þættinum Höfuðstóll við andlát af slysförum, annars vegar, og bóta úr Grunnþættinum, hins vegar, eftir hækkun eða endurheimt, verður að vera í samræmi við það hlutfall sem ríkti fyrir lækkun eða undanþágu frá greiðslu iðgjalds.

Ef óskað er veitum við upplýsingar um aðrar forsendur og áhrif.

6.5 Hvaða áhrif hefur undanþága frá greiðslu iðgjalds fyrir trygginguna á þáttinn Höfuðstóll við andlát af slysförum?

(1) Endurkaupvirði tryggingarinnar

Ef þú segir tryggingu upp, þá greiðum við endurkaupvirði tryggingarinnar – sé það fyrir hendi. Það er sett saman úr endurkaupvirði Grunnþáttarins og endurkaupvirði annarra umsaminna þátta.

Endurkaupvirði þáttarins Höfuðstóll við andlát er bótahöfuðstóll þáttarins (169. gr. laga um tryggingasamninga (VVG)) eins og hann reiknast samkvæmt viðurkenndum reglum tryggingafræðinnar þar sem lagðar eru til grundvallar iðgjaldareikniforsendur á uppsagnardegi.

(2) Frádráttur

Frá upphæðinni sem finnst samkvæmt 1. mgr. reiknum við frádrátt vegna grunnþáttarins og vegna frekari umsaminna þátta. Frádráttur vegna þáttarins Höfuðstóll við andlát af slysförum fer þó ekki fram. Í tryggingarupplýsingunum er tilgreint hversu hár frádrátturinn er. Þar eru ástæður frádráttarins sömuleiðis útskýrðar.

Við teljum frádráttinn sanngjarnan. Við þurfum að gera grein fyrir þessu og sanna. En ef þú færir okkur síðan sönnur á að í þínu tilfelli eigi frádrátturinn alls ekki við eða eingöngu lægri upphæð, þá fellur frádrátturinn niður eða við lækjum hann – í síðara tilvikinu – að sama skapi.

7. Undanþága frá greiðslu iðgjalds og uppsögn þáttarins Höfuðstól við andlát af slysförum

Í þessum hluta er fjallað um:

7.1 Hvað gildir um iðgjaldsundanþágu?

7.2 Hvað gildir um uppsögn?

7.1 Hvað gildir um iðgjaldsundanþágu?

Ekki er hægt að gera þáttinn Höfuðstóll við andlát af slysförum iðgjaldsfrán.

7.2 Hvað gildir um uppsögn?

Hægt er að segja upp þættinum Höfuðstóll við andlát af slysförum. Þá áttu hins vegar hvorki rétt á endurkaupvirði né iðgjaldsfríum bótum.

B hluti - Skyldur sem gilda um alla þætti

Hér er að finna þær skyldur og skuldbindingar sem gilda um alla þætti og taka til tilkynningaskyldu fyrir samningsgerð og iðgjaldsgreiðsluskyldu. Frekari skyldur og skuldbindingar er að finna í A hluta. Reglur B hluta gilda um allan samninginn, svo framfarlega sem gildissvið þeirra er ekki skilmerkilega takmarkað.

1. Tilkynningaskylda fyrir samningsgerð

Hvað felst í tilkynningaskyldu fyrir samningsgerð?

(1) Tilkynningaskylda

a) Viðfangsefni tilkynningaskyldu

Áður en þú leggur fram samningsyfirlýsingu þína er þér skylt að segja til um allar aðstæður sem hafa áhrif á áhættu sem þér eru kunnar og við höfum spurt um í textaformi, sannleikanum samkvæmt og undandráttafrelsi.

Aðstæður sem hafa áhrif á áhættu eru aðstæður sem skipta máli fyrir ákvörðun okkar um að gera samning yfir höfuð eða með umsömdu efni.

Tilkynningaskyldan gildir einnig um þær spurningar varðandi aðstæður sem hafa áhrif á áhættu, sem við spyrjum um í textaformi eftir samningsyfirlýsingu þína, en fyrir samþykkt samnings.

b) Tilkynningaskylda hins tryggða

Ef tryggja á annan einstakling en þig er hann líka – auk þín – ábyrgur fyrir sönnum og undandráttafrelsum svörum við spurningunum í textaformi.

c) Ætluð vitneskja þriðju aðila

Ef einhver annar svarar fyrir þína hönd spurningunum um aðstæður sem hafa áhrif á áhættu, gefum við okkur að þér sé kunnugt um vitneskju og sviksamlegan ásetning þessa aðila.

(2) Óæskileg réttaráhrif þess að brjóta gegn tilkynningaskyldu

a) Réttur okkar þegar brotið er gegn tilkynningaskyldu

Afleiðingar brots gegn tilkynningaskyldu koma fram í 19. til 22. gr. laga um vátryggingarsamninga (VVG). Á þeim forsendum sem þar eru tilgreindar getum við

- rift samningnum,
- verið laus undan bótaskyldu,
- sagt samningnum upp,
- breytt samningnum eða
- véfengt hann vegna sviksamlegrar blekkingar.

Réttur okkar til riftunar, uppsagnar eða breytinga gildir aðeins ef við höfum bent þér á afleiðingar brota gegn tilkynningaskyldu með sérstakri tilkynningu á textaformi.

Ef samið var um þáttinn Örorku- eða Umönnunarbætur eða Heilsutryggingi gildir eftirfarandi um þá þætti: Við afsöllum okkur þeim rétti sem við eigum tilkall til samkvæmt 19. gr. laga um váttryggingarsamninga (VVG) að mega breyta samningi og segja honum upp, ef brot gegn tilkynningaskyldu er ekki af þínum völdum.

b) Frestur til að beita rétti okkar

Réttur okkar til að rifta, segja upp og breyta samningi fellur niður ef liðin eru meira en 5 ár frá samningsgerð. Þetta á ekki við ef við fáum vitneskju um brot gegn tilkynningaskyldu í gegnum bótamál sem upp kom fyrir lok þessa frests. Frestur samkvæmt 1. setningu nemur 10 árum ef brotið var gegn tilkynningaskyldu af ásettu ráði eða sviksamlega.

Réttur okkar til vefengingar vegna sviksamlegrar blekkingar fellur niður ef liðin eru tíu ár frá því að samningsyfirlýsing var afhent.

(3) Réttur þinn til uppsagnar við breytingu á samningi

Ef við hækkum iðgjaldið um meira en tíu prósent við breytingu á samningi, eða útilokum tryggingarvernd við aðstæður sem okkur var ekki tilkynntar um, má segja samningnum upp samkvæmt 6. mgr. 19. gr. laga um váttryggingarsamninga (VVG).

(4) Tryggingarvernd aukin eða endurheimt

Málgreinar 1 til 3 gilda að sama skapi ef tryggingarvernd er aukin eða endurheimt eftir á þannig að nýtt áhættumat sé nauðsynlegt.

(5) Krafist er skriflegra gagna

Krafist er skriflegra gagna þegar beita á rétti til riftunar, uppsagnar, vefengingar eða breytingar á samningi. Símbréf eða tölvupóstur uppfylla ekki kröfu um skrifleg gögn.

(6) Umboð til móttöku

Hafirðu ekki tilnefnt neinn annan sem umboðsmann telst bótaþegi hafa umboð til þess, að þér látnum, að taka við yfirlýsingu frá okkur. Ef enginn bótaþegi er fyrir hendi eða ekki reynist unnt að hafa uppi á aðsetri hans getum við litið svo á að eigandi tryggingarskírteinisins hafi umboð til að taka við yfirlýsingunni.

2. Skyldur sem snerta greiðslu iðgjalds

Í þessum hluta er fjallað um:

- 2.1 Hvað þarf að hafa í huga við greiðslu iðgjalds?**
- 2.2 Hvað gildir ef fyrsta eða einstakt iðgjald er ekki greitt á réttum tíma?**
- 2.3 Hvað gildir ef framhaldsiðgjald er ekki greitt á réttum tíma?**

2.1 Hvað þarf að hafa í huga við greiðslu iðgjalds?

(1) Greiðslutímabil

Iðgjald af tryggingunni skal greiða

- í einu lagi eða

- með reglubundnum iðgjöldum fyrir hvert umsamið greiðslutímabil.

Í því tilviki og eftir því hvernig um samdist er greiðslutímabil einn mánuður, ársfjórðungur, hálf t ár eða eitt ár. Þetta er tilgreint í tryggingarskírteininu. Iðgjöldin eru reiknuð út miðað við umsamið greiðslutímabil. Tryggingartímabil (12. gr. laga um tryggingarsamninga - VVG) samsvarar þannig umsömdu greiðslutímabili.

(2) Gjaldþagi tryggingariðgjalda

a) Fyrsta eða einstakt iðgjald

Fyrsta eða einstakt iðgjald skal greiða tafarlaust eftir gerð samningsins. Ef samið var um það okkar í millum að tryggingavernd skuli ekki hefjast fyrr en síðar, gjaldþellur iðgjaldið ekki fyrr en að því kemur.

b) Framhaldsiðgjöld

Framhaldsiðgjöld gjaldþalla fyrsta hvers mánaðar í hverju umsömdu greiðslutímabili hafi ekki verið um annað samið.

(3) Greitt á tilskildum tíma

Iðgjald er greitt á réttum tíma ef þú gerir tafarlaust allt á gjaldþaga til þess að iðgjaldið berist okkur.

Ef samið var um að iðgjald skyldi greitt með skuldfærslu (5. mgr.) telst greiðslan innt af hendi á réttum tíma ef

- við getum innheimt iðgjaldið á gjaldþaga
- og eigandi reiknings mótmælir ekki réttmætri innheimtu.

Ef ekki var hægt að innheimta gjaldþallið iðgjald, án þess að þú eigir sök á því, telst greiðslan þá líka innt af hendi á réttum tíma ef hún fer fram tafarlaust eftir að við höfum hvatt þig skriflega (til dæmis í bréfi, símbréfi, tölvupósti) til að greiða iðgjaldið.

(4) Áhætta við millifærslu

Sending iðgjalds fer fram á þína ábyrgð og á þinn kostnað.

(5) Greitt með skuldfærslubeiðni

a) Skuldfærsluheimild

Ef skuldfæra skal iðgjald af reikningi (skuldfærslukerfi) verður að veita okkur til þess skuldfærsluheimild.

b) Mánaðarleg iðgjöld

Mánaðarleg iðgjöld skal greiða í skuldfærslukerfi.

c) Afleiðingar þess að skuldfærsla misferst

Ef við getum ekki innheimt gjaldþallið iðgjald og berir þú ábyrgð á því,

- getum við framvegis farið fram á það að greiðslur fari aðeins fram utan skuldfærslukerfisins;
- er okkur heimilt að breyta mánaðarlegu greiðslutímabili í ársfjórðungslegt greiðslutímabil.

Að öðru leyti gilda reglur um vanskil (sjá tölul. 2.2 og 2.3).

2.2 Hvað gildir ef fyrsta eða einstakt iðgjald er ekki greitt á réttum tíma?

(1) Tryggingarvernd stefnt í hættu

Upphaf tryggingarverndar er háð því að iðgjald sé greitt á réttum tíma (sjá C hluta, tölul. 1). Ef fyrsta eða einstakt iðgjald er ekki greitt á réttum tíma í skilningi 2. mgr. a) tölul. 2.1 hefst tryggingarverndin fyrst frá þeim tíma þegar iðgjaldið er greitt. Okkur er ekki skylt að greiða fyrir bótamál sem koma upp í millitíðinni, nema hægt sé að sýna okkur fram á að greiðslufallið var ekki þér að kenna.

Við getum aðeins nýtt rétt okkar til að greiða ekki bætur ef við höfum ekki með sérstakri tilkynningu í textaformi (til dæmis í bréfi, símbréfi, tölvupósti) eða skýrri ábendingu í tryggingarskírteininu

bent þér á réttaráhrif þess að greiða ekki iðgjaldið.

(2) Ríftunarréttur okkar

Ef þú greiðir fyrsta eða einstakt iðgjald ekki á réttum tíma getum við ríft samningnum svo lengi sem þú hefur ekki innt greiðsluna af hendi. Ríftunarrétturinn er útilokaður ef sannað er að þú berir ekki ábyrgð á greiðslufallinu.

2.3 Hvað gildir ef framhaldsiðgjald er ekki greitt á réttum tíma?

(1) Vanskil

Ef framhaldsiðgjald er ekki greitt á tilskyldum tíma í skilningi 2. mgr. b) tölul. 2.1 er það komið í vanskil án frekari greiðsluáskorana. Þá eigum við rétt á að krefjast endurgreiðslu þess tjóns sem af vanskilunum hlaut.

Þú lendir ekki í vanskilum ef þú berð ekki ábyrgð á greiðslufallinu.

(2) Frestir

Ef þú greiðir framhaldsiðgjald ekki á réttum tíma getum við sett þér gjaldfrest í textaformi (til dæmis í bréfi, símbréfi, tölvupósti) á þinn kostnað. Greiðslufresturinn verður að vera að minnsta kosti 2 vikur.

(3) Tryggingarvernd fellur niður eða skerðist ef frestur líður án árangurs

Í tryggingartilvikum sem upp koma eftir að veittur gjaldfrestur er liðinn fellur tryggingarvernd niður eða skerðist,

- ef greiðsla iðgjalds, vaxta eða kostnaðar er enn í vanskilum þegar tryggingartilvik kemur upp og
- við höfum bent þér á þessi réttaráhrif um leið og fresturinn var veittur.

(4) Réttur okkar til uppsagnar ef frestur líður án árangurs

Ef greiðsla iðgjalds, vaxta eða kostnaðar er enn í vanskilum þegar veittur gjaldfrestur er á enda getum við sagt samningnum upp án uppsagnarfrests. Forsenda þess er að við höfum bent þér á þessi réttaráhrif þegar um leið og fresturinn var veittur.

Við getum lýst yfir uppsögn um leið og fresturinn er veittur.

Ef greiðslan er enn í vanskilum þegar fresturinn er liðinn tekur uppsögn sjálfkrafa gildi. Við bendum skilmerkilega á þetta við uppsögn.

(5) Samningur heldur áfram ef upphæðin sem greiðsluáskorunin snerist um greiðist eftir á

Uppsögn okkar er ógild og samningurinn heldur áfram ef upphæðin sem greiðsluáskorunin snerist um er greidd innan eins mánaðar.

Þessi eins mánaðar frestur hefst um leið og uppsögnin eða, ef uppsögn tók gildi um leið og fresturinn, þegar greiðslufrestur rennur út.

Fyrir bótamál sem koma upp milli þess að gjaldfrestur er liðinn og eftirágreiðsla er innt af hendi fellur tryggingarverndin niður eða skerðist.

C hluti - Almennar reglur

Reglur C hluta gilda um allan samninginn, svo framfarlega sem gildissvið þeirra er ekki skilmerkilega takmarkað.

1. Upphaf tryggingarverndar

Hvenær hefst tryggingarverndin?

(1) Grundvallarregla

Tryggingarverndin hefst með lokum samningsgerðar en þó ekki fyrir þann tíma sem tilgreindur er í tryggingarskírteininu.

Tryggingarverndin hefst því aðeins á tilgreindum tíma að þú hafir greitt fyrsta eða einstakt iðgjald á réttum tíma í skilningi 2. mgr.

a) tölul. 2.1 í B hluta. Ef þú greiðir iðgjaldið ekki á réttum tíma hefst tryggingarverndin ekki fyrr en frá þeim tíma þegar þú greiðir iðgjaldið (sjá 1. mgr. tölul. 2.2 í B hluta). 1. mgr. tölul. 2.2.

Við greiðum ekki bætur vegna tryggingartilvika sem upp koma fyrir upphaf tryggingarverndar.

(2) Tryggingarvernd aukin

Ef tryggingarvernd er aukin eftir á gildir 1. mgr. einnig um þessa aukningu tryggingarverndar.

2. Tryggingarskírteini

Hvað felst í tryggingarskírteininu?

(1) Eigandi

Við getum litið svo á að eigandi tryggingarskírteinisins hafi heimild til að ráðstafa réttindum samkvæmt tryggingarsamningnum, sérstaklega að taka við bótum. En við getum farið fram á það að eigandi tryggingarskírteinisins sanni okkur rétt sinn.

(2) Sönnun á ráðstöfunarétti

Ef bótaþegi hefur veitt öðrum eða afturkallað viðtökurétt eða afsalað sér eða veðsett kröfur þurfum við eingöngu að viðurkenna staðfestingu á þessum rétti frá eiganda tryggingarskírteinis ef sá sem hafði þennan rétt hingaðtil hefur tilkynnt okkur um breytinguna skriflega. Tilkynning með símbrefi eða í tölvupósti uppfyllir ekki kröfu um skriflega staðfestingu.

3. Kostnaður vegna aukalegrar umsýslu

Fyrir hvaða kostnað getum við krafð þig um greiðslu sérstaklega?

(1) Kostnaður vegna aukalegrar umsýslu í sérstökum tilvikum

Ef eitthvað sérstakt af þínum völdum orsakar aukalega umsýslu getum við í eftirtöldum tilvikum innheimt hjá þér sérstaklega meðaltalskostnað sem fast gjald.

- Útgáfa varaskjals fyrir tryggingarskírteinið eða afrita af tryggingarskírteininu
- Veiting gjaldfrests þegar framhaldsiðgjöld eru ekki greidd
- Úrvinnsla greiðslna í vanskilum
- Úrvinnsla endursendra skuldfærslubeiðna
- Frágangur breytinga á samningi
- Vinna við afsöl og veðsetningar
- Öflun einstakra yfirlýsinga ef undanskilja á einhvern frá þagnarskyldu
- Millifærsla iðgjalds frá þér frá stað utan Þýskalands eða millifærsla greiðslu frá okkur til staðar utan Þýskalands.

(2) Framsetning kostnaðar í kostnaðaryfirliti

Um kostnaðinn sem við getum innheimt hjá þér aukalega samkvæmt 1. mgr. má lesa í hjálögðu kostnaðaryfirliti okkar. Sanngjarna aðlögun þessara kostnaðarliða (315. gr. Borgaralegrar lögbókar - BGB) er okkur heimilt að gera í framtíðinni. Kostnaðaryfirlit sem í gildi er hverju sinni má fá hjá okkur hvenær sem um það er beðið. Ef kostnaðaryfirlitið tilgreinir engan kostnað fyrir einhvern þeirra liða sem nefndir eru í 1. mgr. er ekki reiknaður kostnaður fyrir þann lið um þær mundir.

(3) Sýna má fram á lægri kostnað

Ef þú færir okkur sönnur fyrir því að í tilfalli af þínum völdum hafi ekki orðið til nein eða minni umsvif og kostnaður, fellur sá kostnaður niður eða við lækkum hann sem því nemur í því tilviki.

4. Þýskur réttur

Hvaða réttur gildir um samninginn?

Um samning þennan gildir þýskur réttur.

5. Varnarþing

Hvar má bera fram kröfur fyrir rétti?

(1) Undir hvaða lögsögu heyra málshöfðanir þínar?

Mál sem byggja á tryggingarsamningnum eða tryggingarmiðluninni má höfða fyrir dómstól sem hefur lögsögu þar sem það útibú okkar sem annast samning þinn eða höfuðstöðvar eru.

Eins má höfða mál fyrir dómstól sem hefur lögsögu þar sem þú átt lögheimili eða býrð að staðaldri ef lögheimili er ekkert þegar málið er höfðað.

Ef váttryggingartaki er lögaðili (til dæmis hlutafélag eða félag með takmarkaðri ábyrgð) eða sameignarfélag (Personengesellschaft) sem átt getur aðild að málum (til dæmis opið verslunarfélag, Offene Handelsgesellschaft, eða verslunarfélag með mismunandi eignarábyrgð, Kommanditgesellschaft), þá ræðst varnarþing af aðsetri þess.

Ef lög heimila að fleiri varnarþing komi til greina sem ekki er hægt að útiloka með samningum, er einnig hægt að höfða mál þar.

(2) Undir hvaða lögsögu heyra málshöfðanir okkar?

Við getum höfðað mál fyrir dómstól sem hefur lögsögu þar sem þú átt lögheimili eða býrð að staðaldri ef lögheimili er ekkert þegar málið er höfðað. Ef váttryggingartaki er lögaðili (til dæmis hlutafélag eða félag með takmarkaðri ábyrgð) eða sameignarfélag (Personengesellschaft) sem átt getur aðild að málum (til dæmis opið verslunarfélag, Offene Handelsgesellschaft, eða verslunarfélag með mismunandi eignarábyrgð, Kommanditgesellschaft), þá ræðst varnarþing af aðsetri þess.

Ef ekki er kunnugt um lögheimili þitt eða venjulegan dvalarstað þegar málið er höfðað má höfða mál fyrir dómstól sem hefur lögsögu þar sem útibú okkar sem annast samning þinn er eða höfuðstöðvar okkar eru. Þetta gildir á sambærilegan hátt ef tryggingartaki er lögpersóna eða aðili sem átt getur aðild að málum og ekki er kunnugt um staðsetningu aðalstöðva hans.

(3) Tryggingartakar utan Evrópubandalagsins, Íslands, Noregs eða Sviss

Ef þú flytur heimili þitt til ríkis utan Evrópusambandsins, Íslands, Noregs eða Sviss getum bæði þú og við eingöngu höfðað mál samkvæmt tryggingarsamningnum eða tryggingarmiðluninni fyrir dómstól sem hefur lögsögu þar sem höfuðstöðvar okkar eru.

6. Fyrning

Hvenær fyrnast kröfur samkvæmt samningnum, lögum samkvæmt?

(1) Fyrningarfrestur og ráðandi lagareglur

Kröfur samkvæmt samningnum fyrnast á þremur árum samkvæmt 195. gr. Borgaralegrar lögbókar (BGB). Nánar um upphaf, lengd og hlé á fyrningu er að finna í 195. til 213. gr. Borgaralegrar lögbókar (BGB).

(2) Fyrningu frestað meðan bótaskylda okkar er í athugun

Ef okkur berst krafa samkvæmt samningnum er fyrningu hennar frestað þar til þér eða þeim sem lagði kröfuna fram berst ákvörðun okkar skriflega (til dæmis í bréfi, símbréfi eða tölvupósti).

Hugtakaskýringar

Hér verða mikilvæg hugtök skilgreind. Í texta fyrsta þáttar eru þessi hugtök auðkennd með „→“. Dæmi: →Tryggingartaki.

Biðtími:

Biðtíminn er tímabilið frá umsömdu upphafi tryggingar til umsamins upphafs lífeyristöku.

Virkur bankadagur:

Virkir bankadagar, einnig nefndir viðskiptadagar, eru þeir dagar þegar lánastofnanir í Þýskalandi eru opnar fyrir almenn viðskipti. Virkir bankadagar eru þar af leiðandi mánudagur til föstudags.

Helgar og þýskir helgidagar á landsvísu sem og 24.12. og 31.12 eru ekki virkir bankadagar.

Matssjóðir:

Matssjóðir verða til þegar markaðsvirði fjárfestinga er hærra en verðgildið sem fjárfestingarnar eru bókfærðar á í efnahagsreikningi.

Bótahöfuðstóll:

Bótahöfuðstóll tryggingarinnar er reiknaður út samkvæmt viðurkenndum reglum tryggingastærðfræðinnar út frá forsendum iðgjaldaútreiknings. Hann er grundvöllur að endurkaupverði, lokagreiðslu og hlutdeild í matssjóðum.

Framlag í bótasjóð:

Tryggingarfélagum ber lagaleg skylda til að mynda bótasjóði vegna skuldbindinga gagnvart tryggingartökum. Bótasjóðir samsvara þeirri upphæð sem þarf að vera fyrir hendi svo hægt sé, ásamt væntanlegum tryggingaiðgjöldum, að fjármagna tryggðar tryggingarbætur.

Bótasjóðir eru reiknaðir út samkvæmt ákvæðum 341. gr. e og f í verslunarlögum (HGB) og bótasjóðsreglugerð.

Hinn samtryggði:

Ef samið var um eftirlifendalífeyri er hinn samtryggði sá einstaklingur sem greiða skal fyrir eftirlifendalífeyri ævilangt eftir andlát hins tryggða.

Félagatryggingar:

Í félagatryggingum er um fleiri en einn tryggðan aðila að ræða.

Reglur tryggingarskilmála sem fjalla um hinn tryggða gilda um félagatryggingar á sama hátt.

Þar nægir – ef ekki er kveðið á um annað í tryggingarskilmálunum – að þeir málavextir sem um getur í tryggingarskilmálunum eigi við um einhvern einn hinna tryggðu.

Reiknaður aldur:

Reiknaður aldur er aldur hins tryggða hverju sinni – þá er aldursári sem er hafið, en ekki lokið, bætt við ef af því eru liðnir meira en sex mánuðir.

Reiknivextir:

Reiknivextir eru sú vaxtaprósentu sem nauðsynleg er til að standa undir tryggðum bótum.

Varasjóður fyrir endurgreiðslu iðgjalds:

Varasjóður fyrir endurgreiðslu iðgjalds (RfB) er ákveðinn tryggingartæknilegur varasjóður í ársuppgjöri váttryggjanda. Þessi varasjóður er igildi verðmætis krafna tryggingartaka vegna hlutdeildar í framtíðarhagnaði í skilningi verslunarlagi.

Skrifleg gögn:

Skrifleg gögn merkir alltaf að undirskrifaðrar yfirlýsingar með eiginhandararitun er þörf. Nauðsynlegt er að undirrita með nafni í lok yfirlýsingar.

Þetta er gert til að tryggja réttaröryggi þitt og okkar.

Tölur:

Töflurnar sem við styðjumst við í tryggingastærðfræðinni lýsa í tölum líkum á og/eða tíðni tiltekinna atburða. Þær eru grundvöllur útreikninga okkar sem tryggja að við getum staðið við samningsbundnar skuldbindingar okkar.

- Með dánartíðnitöflum er hægt að ætla hverju dánartilviki tiltekna líkur.
- Með frekari tölum getum við ætlað öðrum tryggingartilvikum, eins og til dæmis tilkomu og lokum óvinnufærni eða umönnunarþörf, tíðni dauðsfalla hjá óvinnufærum og þeim sem umönnunarþurfi eru, endurteknum hjónaböndum og svo framvegis, ákveðin líkindi.

Prósentuhlutur í hagnaði:

Með prósentuhlutum í hagnaði er fundinn út hlutur einstakra trygginga í hagnaði út frá þeim reiknistuðli sem við á hverju sinni og tilgreindur er í tölul. 2.4 í A hluta – þátturinn Ellilífeyrir. Prósentuhlutir í hagnaði eru tilgreindir í ársskýrslunni hverju sinni eða tryggingartaka er greint frá þeim með öðrum hætti.

Ábyrgur tryggingafræðingur:

Sérhvert líftryggingafyrirtæki verður að kalla til ábyrgan tryggingafræðing. Þessi aðili verður að vera áreiðanlegur og hæfur og búa yfir nægilegri kunnáttu í tryggingastærðfræði og starfsreynslu. Ábyrgur tryggingafræðingur skal einkum fylgjast með því að hægt verði til frambúðar að standa við skuldbindingar gagnvart tryggingatökum og að við útreikning á iðgjöldum og framlögum í bótasjóð sé farið að ákvæðum laga (11. gr. a laga um tryggingaefirlit - VAG).

Hinn tryggði:

Hinn tryggði er sá sem líftryggður er. Hinn tryggði þarf ekki nauðsynlega að vera tryggingartaki. Í félagatryggingum er um fleiri en einn tryggðan aðila að ræða.

Tryggingartaki:

Tryggingartaki er sá sem sótti um trygginguna. Hann er tilgreindur þannig í tryggingarskírteininu.

Réttindi og skyldur sem kveðið er á um í tryggingarskilmálunum eiga fyrst og fremst við um tryggingartaka sem viðsemjanda okkar.

Viðbótarbiðtími:

Framlengingartímabilið, það er að segja tímann frá upprunalegu upphafi lífeyristöku fram að frestaða upphafi lífeyristöku nefnum við viðbótarbiðtíma.

Allianz Lebensversicherungs AG

Kostnaðaryfirlit tryggingarskilmála C hluta, 3. tölul. „Kostnaður vegna aukalegrar umsýslu“ EV4074

Eftirfarandi kostnaður gildir, svo framarlega sem gert er ráð fyrir viðkomandi atriðum í tryggingarskilmálum samningsins.

Nr.	Atriði	Upphæð	Krafa
1	Útgáfa varaskjals fyrir tryggingarskírteinið eða afrita af tryggingarskírteini	20 evrur	ekki um þessar mundir
2	Veiting gjaldfrests þegar framhaldsiðgjöld eru ekki greidd	3 evrur	ekki um þessar mundir
3	Úrvinnsla greiðslna í vanskilum	20 evrur	ekki um þessar mundir
4	Úrvinnsla endursendra skuldfærslubeiðna	3 evrur	já
5	Frágangur breytinga á samningi	40 evrur	ekki um þessar mundir
6	Vinna við afsöl og veðsetningar	25 evrur	ekki um þessar mundir
7	Öflun einstakra yfirlýsinga ef undanskilja á einhvern frá þagnarskyldu	15 evrur	já
8	Millifærsla iðgjalds frá þér frá stað utan Þýskalands eða millifærsla bóta frá okkur til staðar utan Þýskalands.	10 evrur	ekki um þessar mundir

Staða: 1. desember 2011